

MONGOAHA OA

KEREKE EA THIATIRE

 Joale bosius bona re a...Pejana re kena mongoaheng oa kereke e kholo ena...Ke—ke tsepa feela Morena oa rona a tla tšela Moea oa Hae holima rona feela...le ho re hlohonolofatsa hape. 'Me re ka oma lihlooho tsa litaba feela joale hobane, ketsahalong e kholo e tlang, ho seng joalo re ka qeta veke eohle mona. 'Me, oh, maobane bosiu re bile le nako e tlotlehileng hakakang!

² Be, joale pele re bala Mangolo, na re ka fetola malulo a rona—a rona nakoana re eme bakeng sa polelo ea thapelo:

³ Ntata rona ea Maholimong ea mosa, re tla ka Lebitso le bokhoni-bohle la Morena Jesu, re a tseba U tla khutla ka letsatsi le leng. 'Me re ntse re leka ho hlophisetra lipelo tsa batho ho amohela tšenolo e kholo ena e reng U Mora ea phelang oa Molimo; ea sa shoang, empa ea phelang kamehla; le ho phela kahara Kereke ea Hau joaloka Paki ea Pentekosta, ea nako e kholo eo mohla khatholoho e tšolloang e tsoa ka pela Sefahleho sa Morena. Re thabile haholo ho natefeloa ke linako tseo tlase mona kamorao ho lilemo tse sekete le makholo a robong.

⁴ 'Me, Ntate, re inamisa lihlooho tsa rona ka hlompho nqa banna ba baholo bana ho theoha le mengoaha, linaleli tseo U kileng oa li tšoara letsohong la Hau, etsoe U boletse hore e ne e le, "mangeloi a Mengoaha ea Kereke," basebeletsi. Re U leboha hakakang ka Santa Pauluse e moholo, oa Efese. Re U leboha hakakang ka Irenease, oho Morena, Irenease mohlanka oa Hau e moholo; le ka Santa Martini; le bosius ka Santa Columba. Morena, re U leboha le ka banna bana. Mahareng a Boroma bo lefifi, bopagane bo ne bo kena kahara kereke, ba emela Molaetsa oa pentekosta le lehlohonolo ka bonatla, ho bua ka lipuo, le—le lipontšo tse kholo le meeka, pholiso ea bakuli, le ho tsosa bafu.

⁵ Bongata ba bona, Morena, ba harotsoe, ba bolaoa, ba feptjoa litau; ha etsahala lintho tse kholo. Lefatše le tolisitsoe ka mali a ba lokileng. 'Me, Ntate, mali a bona a hooa kajeno khahlano le kereke e khopo eo, e mofebi. 'Me U boletse, ka tsatsi le leng mohla U tšolotseng... "Lengeloi la tšolla nkho ea lona holima eona, 'me e—mali a moshoelatumelo e mong le e mong a fihletsoe ho eona."

⁶ Morena, re thuse ho ba le... ho ikemisetsa ho ema joale, hobane nako e a khahlela. Ha re bona sebata sena se linaka-peli se tsoa lefatšeng, ha se tsoe bongateng le matšoeleng a batho, "Ka linaka tse joaloka tsa konyana, empa sa bua joaloka drakone." Re

lumela hora e atametse haholo joale, Ntate, mohla likereke tsena li iteanyang hammoho, "Le ho etsa setšoantšo sa sebata"; 'me ho tla tšabeha holima sehlopha seo, Morena, se sa ikopanyeng. Ho tla hlaha khanyetso, empa ka hora eo U tšepisitse ho nka Kereke ea Hau. Re thusé, Morena.

⁷ Le pele lerotholi la pula le tšoloha, Nohe o ne a kene arekeng. Le pele mollo o otla Sodoma, Lota o ne a tsoile. Ntate, re a lumela, pele matla a athomiki a phatlola lefatše lena likotoana, Kereke e tla be e tlohile. Re thabile haholo, Morena. 'Me, re a tseba libomo li felahantsoe kahara meaho ea lifofane, bosius.

⁸ 'Me re sheba nqa Leholimo re bona Mora motho a ema Teroneng ea Hae a qala a toba lefatšeng bakeng sa Hloibilo ea Kereke ea Hae, ho tseba maoto a Hae a theko e thata a ke ke a ama lefatše lena le tletseng sebe nakong eo; hoba Rebeka o ne a kaledse kamele eaba o theoha kamele, hantle lipakeng tsa ntlu ea Abrahama, o kopane le monyaluoa oa hae kantle naheng. Oho Molimo, 'me Kereke e tla kopana le Monyaluoa oa rona sebakeng, "Hoba rona ba phelang le ba saletseng re ke ke ra thibela kapa ho sitisa ba robetseng. Terompeta ea Molimo e tla lla, ba shoetseng ho Kreste ba tla tsoha pele, re ntoo nkuoa hammoho ho kopana le Morena (naheng) sebakeng, 'me re tla ba le Eena kamehla."

⁹ Oh, re thusé, bosius bona, Morena. Re fe monate oa Meea ea rona, le ho tlosa lengana lohle le litsela tsohle tsa khang ho rona, re bopelloe le Moea o Halalelang hakaale. Lengeloi la Molimo le buse bosius bona.

¹⁰ Morena, ha ke tsebe seo nka se bolellang batho bana. Joale, ke tšoere linalane le lintho tse ngotsoeng fatše tseo U li entseng, empa li hloka Uena ho koaholla bokamoso, ka hona ke U rapela ho e aba ka Lebitso la Jesu Kreste. Amen.

¹¹ Joale ha re phetleng joale ho Buka ea Tšenolo. 'Me bosius bona re holima mongoaha oa kereke ea... Mongoaha oa kereke ea bone, Thiatire, mongoaha ona o moholo oa kereke o tsebjoang e le Mongoaha o Lefifi. Mongoaha ona o qala ka 606 eaba o getella ka 1520. Ke... Ebile phetho seo ke khonneng ho se etsa, ke se thonakileng. Baithuti ba bangata ba thonya—thonya Santa Patrick ho ba naleli kapa eona... e mong le e mong...

¹² *Linaleli tse supileng* e ne e le "mangeloi a supileng" a Mengoaha e Supileng ea Kereke. Re a tseba hosane bosiu, ntlu le pelaelo, Luther; e ntano ba Wesley. Ha re tsebe naleli ea kereke ena ea Laodisea e tla ba mang. Ke... Re mongoaheng joale, esale ho tloha ka 1906 mathoasong a Pentekosta. Empa ho tla hlaha lengeloi le tlang ho falatsa litumeloana tsohle, ho nka Kereke ho itokisetsa ho ea Lapeng. Joale, monghali ea itseng oa—oa... ka Moea, ea tlang ho hlaha ka lipontšo le meeka. Joale, ke rapela Molimo ho re thusa ho tseba sena.

¹³ Ka ho thonya sena, ho sheba ka ponaletso, Santa Patrick e ne e le mothaka e moholo. 'Me ka ho fumana lingoloa tsa

khaleng, Santa Patrick e ne e se Mokatolike. O hanyelitse kereke ea Katolike. 'Me mehleng ea Hlabollo, ba ile ba epolla tšomo eo ea bona, ha pakoa hobane Santa Patrick o hanyelitse kereke ea Katolike. Seo . . . Santa Patrick e ne e le batla e le monna oa mokhatlo, a theile sekolo sa hae ka sebele. Pele a . . . mohla a neng a koeteloa mabopong a leoatle, eena, le likhaitseli tse peli tseo a sa kang a hlola a utloela ka tsona. Ba ile ba nkuoa, ekaba ba isitsoe Roma ba rekisoa bokhobeng. Le eena a nkuoa a rekisoa joaloka lekhoba a laelo a ho lisa likolobe.

¹⁴ O ne a koetlisa lintja ho lisa—lisa likolobe, le joalo-joalo; li ne li mo mo atamela ka meroro e fapaneng le ka lintho tseo neng a li laela lintja. Qetellong a phonyoha joalo, kahara mpa ea sekepe, mohla lintja li neng li mo khurumetsa hofihlela a tsoile a kena leoatleng. Qetellong a fihla tulong ea habo e ntile, Ireland, a fihlela 'mè le ntate ba ntse ba phela. 'Me Santa Patrick e ne e le e—e motsoala oa Santa Martini e moholo.

¹⁵ Etsoe, e mong oa baholo bao re kileng ra ba thola letotong la banna ho tloha ho Jesu Kreste, e ne e le Santa Martini. Likereke tsohle tsa hae li ne li tletse ka Moea o Halalelang, bohle ba bua ka lipuo, ba na le lipontšo le meeka, le mehlolo, ho hlakisoa mehlolo ea mefuta eohle feela. O ile a boloka Tumelo ea pentekosta khabareng ea mongoaha oa kereke eo e nyetsoeng ke Bokatolike; lenyalo la bopagane le Bonikola bo nyaloang 'moho, ho bopa mokhatlo. Le ho etsa e—e Banikola . . . Re ba bitsa *Nicko*, e bolelang "ho hapa." "Hapa kapa ho phethola phutheho," le ho tlosa Moea o Halalelang phuthehong, le "ke moprista feela ea halalelang, ke eena feela monna." Le a bona? 'Me ba iphelela borata, ke a kholoa, ha u mpa u e bolella moprista feela. Eaba ba . . .

¹⁶ Ho fumana maobane bosiu, hore—hore ba ile ba ba hloma, ke Konstantine ea hlommeng mobishopo oa pele, le ho e bea . . . ho ba abela meaho ena, joalokaha re le fa matsatsi le ntho eohle eo le e ngotseng fatše. Eaba mono ba tšoara mokete o moholo oa solstice mono, o nong o le ka la 21 Tšitoe, letsatsi le lekhutšoane ka ho fetisa selemong. 'Me ba kenya bohata bona, e leng, ha thoe E ne e le "letsatsi la nyene." Le a bona, e—e lehla la tsoalo ea letsatsi, ba bea tsoalo ea Jesu Kreste ho tloha ho 'Mesa ho ea ho Tšitoe 25.

¹⁷ Tšitoe 25. Mehleng ea matsatsi a mahlano ke mohla Maroma a ketekang haholo, liserekisi, le joalo-joalo, 'me ke mohla ba tšoarang mokete o moholo ona oa bopagane. 'Me ba behe monna enoa joaloka molimo ka sebele holimo mane, ba mo apesa le ntho eohle. 'Me molimo oa bona a na le bona hantle. 'Me e . . . ke mohla batho ba kamora-milenniamo ba neng ba hlaha, hantle mono, hoba ba hopotse kereke e kene Mileniamong hantle mono. Le a bona, hoba ba ne ba ruile, ba sa hloke letho, naha le kereke li le 'moho. "Mileniamong o kene," esale thuto ea Katolike ho fihlela kajeno. Le a bona? Joale, "Mileniamong o kene," hoba re a e tseba

e fosahetse. Mileniamo: ho Khutla ha Kreste Labobelí ho tlisa Mileniamo. Ke hantle.

Lefatše le fehelloa, le llela letsatsi la tokoloho
e monate,
Mohla Morena oa rona a tla khutlela lefatšeng
hape.

¹⁸ Joale, mohalaleli e moholo enoa mona e ne e le Columba. E ne e le monnae e moholo oa Molimo.

¹⁹ Joale, ke batla ke ngotse nalane ea hae fatše mona. Pele, mongoaha oa kereke ea bone, *Thiatire*, e bolela ho ba “bohlasoa, lokotseha,” kapa, “mouoane.” Le a bona? E ne e le nako e seng molaong ho tloha ka 606 ho fihla ho 1500.

²⁰ Naleli e ne e le Columba, ho tsoa Ireland le Scotland, eena e le motsoala oa Santa Martini; ’me o phetse lilemo tse ka bang mashome a tšeletseng ka morao ho Santa Patrick, ’me bosebeletsi ba hae bo qala lilemo tse mashome a tšeletseng ka morao ho Santa Patrick. Oa hae . . .

²¹ Ha a ka a amohela thuto ea Boroma le ka mohla. E ne e le monna e moholo oa tumelo. O hanetse thuto ea Boroma; ha eso ee Roma, ’me o e hanetse ka botlalo. Ke, ha ke eso bone moo ba mo hlommeng folaga le ka mohla. Joalokaha ba entse Santa Martini le bao, ha ba mo hloma folaga eena le Irenease hobane ba ne ba le Kerekeng e nang le lipontšo le meeka ea Pentekosta, empa ho lumela. Ha a eso amohele thuto ea Boroma, lithutong tsa bona. Thuto ea hae o e nkile Bibeleng a futsa ’mè oa hae oa morapeli, khaitseli ea Santa Martini, ha eso amohele thuto ea Boroma nakong efe. O rutile hoba lipontšo tsa Mareka 16 li tšoanetse ho sala molumeli e mong le e mong morao. Amen! Ke . . . Ke rata mothaka oa mofuta oo; o a lumela. E, monghali.

²² O—o utloile Puo ea Molimo e hlakileng e bitsa. Eo ke pontšo e ’ngoe e molemo ho eena, le a bona. Eaba ha a thibeloe ke letho ka mora moo, eaba o ile, uh-hum, uh-huh, a kena tseleng hoba a utloe Puo ea Molimo e hlakileng.

²³ Mohloló o mong . . . Ke tšoere e ’maloa e ngo- . . . fatše mona, empa ha re ka nka o le mong ona feela. Mohloló o mong ke mohla a etetseng motse o mong a romiloe ke Morena, ’me motse o sa batle ho mo amohela, eaba ba tsoela koo ba leka ho . . . ba nka liletsi tsa ’mino, le ba joalo, ba koala likhoro ba leka ho mo koahela ka ho letsá, liletsi tsa ’mino. ’Me a qala a rera, a koahela liletsi tsa ’mino ’me likhoro tsa buleha, a tloha a kena, a rera leha ho le joalo. A sokolla sehlopha se seholo.

²⁴ Ke rata ho bua ka o mong-nyana ona. O ne a kene motseng. Mehleng eo metse e haelelitsoe ka marako, ehlile. Eaba o kena motseng, ’me ba mo lelekela kantle. Eitseha a tloha, ngoana oa morenana a kula habohloko, ba romela tseleng ho bitsa mohalaleli ea lokileng enoa. A khutla a robatsa ’mele oa hae holima moshanyana ea shoang, a boela a phela.

²⁵ Kereke ea hae e ne e tletse Moea o Halalelang, a sa amohele letho le katlasana, hobane setho ka seng sa kereke ea hae se tšoanelo ho tlatsoa ka Moea o Halalelang. 'Me o hanyelietse a hloile bolaoli ba Roma ka thata. Ke a lumela e ne e le naleli ea mongoaha. O ne a etsa'ng? Ka ho bua ka lipuo, kolobetso ka Lebitso la Morena Jesu, ho ntšeletsa tsona lintho tseo ba li qalileng. Efela ha Molimo e le mohloka-pheletso, 'me e le kamoo O hlophisitseng Kereke ea Oona tšimolohong, e tlameha ho lula e tšoana, 'me e na le (leha e le paloana) tsela eohle ho theoha; e batla e patiselitsoe kantle *mona*, e boela e khutla ka Luther.

²⁶ Joale, re batla ho qala joale, le ho bona haeba re ka qalisa litemana tse ling tsena joale, mane...re tla qala ka temana ea 18:

...*ngolla lengeloi la kereke ea Thiatire o re*; . . .

²⁷ Na le lemohile lintho tsena—tsena mangolo ana? Melaetsa ena e ngoletsoe lengeloi, kapa mosebeletsi ea jereng Leseli la mongoaha oa kereke eo. Le a bona? Joale, maobane bosiu re fumane, ha re phethela mongoaha oa kereke ena ea—ea Pergame, hore lengeloi la kereke (ho hloleng ha mongoaha oa kereke ena) o tla fuoa lejoe. 'Me lejoe lena . . .

²⁸ Joale, eaba re nka "lejoe" leo ra le bapisa, le bolela "lefika." Ke eng? Lengeloi lena le tla tšoana le Petrose, ea reiloeng "lejoe."

²⁹ Ho fumana hobane lebitso la hau le tsoaetsa bophelo ba hau. Joale, ha ke batle ho kena haholo mono, hoba diabolosi o tšoere thutalipalo ea bohata; re tseba seo; o qala a fehla *maikutlo* a batho, le joalo ka mokhoa oo, a mathang a kena boupelling. 'Me boupelli ke ba diabolosi. Re tseba seo. 'Me ho joalo, u tšoanelo ho sheba. Joalokaha bao ba . . .

³⁰ Lebaka leo ba bitsitseng Jesu "Belsebule," "diabolosi," hobane, le a bona, O ne a senola mehopolo ea kelello ea bona. Le a bona, empa E ne e le Lentsoe la Molimo. 'Me Baheberu 4 e itse, "Lentsoe la Molimo, le bohale le fetisa sabole e leolitsoeng ka nqa tse peli, le senola mehopolo le merero ea pelo, kelello." Le a bona? Ka hona, E ne e le Lentsoe, Ke Lentsoe le phelang, 'me Lentsoe le phelang le kena ho rona 'me Le sebetsa ho rona ka ho tšoana. Le a bona, ka ho tšoana, hobane Ke Lentsoe le tšoanang. Le a bona, Ke ntho e tšoanang hara rona. 'Me ho joalo. 'Me ka linako tse ling ba sa kenang lesakeng leo ba bua ka lipuo, le e mong a e fetole. Ke eng? Lentsoe le entsoe nama hape hara rona.

³¹ 'Me hape, re a lemoha hobane lengeloi lena le tla fuoa . . . lengeloi la mongoaha kereke oo le fuoe "lejoe." E ne e le lejoe le *lesoeu*, ha le bolele ho loka ha hae, empa "ho loka ha Molimo ka Sebele."

³² 'Me kahara lejoe lena e le "lebitso," lebitso le sa tsejoeng ke motho haese ea le amoheolang. O le tsebile, empa ha le tsejoe ke motho haese ke eená. Ka hona ha le utloa mathaka ana a le bolella, ba bitsa a bona; e le bo "John," bo "Paul," bo "Mary,"

ba “*sena*,” “*sane*,” kapa “*se seng*.” Le se ke la e lumela, hoba holane e le lona, o ne a sa tlo bua letho ka lona. Le a bona? Ke hantle. O tlameha ho ipolokela eona. O tsebile. Ha ho ea tsebileng haese eena, empa o tsebile hobane mohloli e mong le e mong ea phethehileng o fuoa lebitso le lecha ka—ka—ka mokhoa oo.

³³ Na le lemohile Abrahama o ne a bitsoa Abrame, empa mohla Molimo o tla mo sebelisa, Oa fetolela lebitso la hae ho “Abrahama.” S-a-r-r-a e ne e le Sarra, empa mohla Molimo o tlang ho mo sebelisa, Oa fetolela lebitso la hae ho S-a-r-r-a-h: *Sarah*, “*khosatsana*.” Na le a tseba Jakobo...? *Jakobo* e ne e le “moqhekanyetsi.” *Esau* e bolela “bofubelu,” mohoete le bofubelu; hlooho-khubelu, le bofubelu hoohle, ke Esau. Joale, athe *Jakobo* e ne e le “moqhekanyetsi.” ‘Me *moqhekanyetsi* ke “mothetsi.” Na Esau ha a bolela, “Na lebitso la hae hase *Jakobo*, ‘moqhekanyetsi?’” Empa mohla a betaneng le Morena bosiu bohle, ‘me a hlola, a hlohonolofatsoa, Molimo oa mo fetola lebitso; Jakobo ho *Iseraele*, “*khosana* ho Molimo.” Pauluse o ne a bitsoa *Saule* hofihlela a kopane le Moea o Halalelang ka sebopheho sa Leseli le chabetseng holima hae, lebitso la hae la fetoloa ho tsoa ho Saule ho ea ho “Pauluse.” Simone, mohla a kopaneng le Jesu, O fetoletse lebitso la hae ho “Petrose.” Seo...

³⁴ Mohla Jesu a neng a hlola, Lebitso la Hae le fetotsoe. ‘Me O ne a tla senola Lebitso leo, “Ea tlang ho lula ho Eena, ho hlola joaloka Eena, o amohetse lebitso le lecha; ‘me Ke tla mo senolela Lebitso la Ka le lecha.” Le a bona? ‘Me mohloli e mong le e mong, ke bolela, hara ba joalo: baetapele bao le ba joalo. Joale, bana bohle ba Iseraele ha ba fetoloa mabitso, ehlile. Ke hantle. Haese baetapele ba phahameng bao, mohla ba neng ba hlola, ba fuoe lebitso le lecha. Na le bona kamoo e nyallanang kateng? Ka phetheho feela.

³⁵ ‘Me re mo fihlela hape a fuoe “manna a patuoeng.” Joale, manna a patuoeng a bapisoa le bohobe ba pontša. Bohobe ba pontša bo ne bo baletsoe baprista feela. Ke hantle. Bohobe ba pontša bo ne bo khethetsoe moprista feela. ‘Me bao... E ne e le ntho e ikhethang e etsetsoang moprista, ke hore, baetapele; ‘me monna enoa o ne a hlotse. Phutheho eohle e fuoe manna, empa eena o fuoe *manna a patuoeng* (ikhethileng), kapa “*tšenolo e ikhethileng*,” oh, ea hobane Jesu e ne e le mang, le sohle mabapi le Eena, tsohle tse mabapi le Eena. Le a bona, o fuoe tšenolo eo haeba a hlotse, ho lengeloi. “O tiise, hoba ea...” O ne a hlotse. Le ngolloa *lengeloi* la kereke. Le a bona?

³⁶ Joale re a fumana, bosiung bona, re a qala:

...ngolla *lengeloi* la kereke ea *Thiatire o re*; Ke *tsena tse boleloang* ke *Mora Molimo*, ea nang le... *mahlo e ka...likhabo ea mollo*, ‘me *maoto a hae...joaloka koporo e benyang*;

³⁷ Joale, ha re ne re 'Mona ho oa pele, ho Mongoaha oa Efese, kapa qalong ea tšimoloho ea Tšenolo, re 'Mone ka boperesone ba Hae bo tlotsitsoeng hasupa. "Moriri . . ." Re fihlela Johanne a Mo fumane koana letsatsing la Morena.

³⁸ Joale ha A e tla joale, Ke Moprista. Mehleng ea Hae mona lefatšeng, E ne e le Moporofeta, Moporofeta oa Molimo. Joale O nkile Mali a Hae ka Sebele a ea ka pel'a Ntate, hoo ho Mo etsa Moprista. Mohla A khutlang E tla ba Khosi. Moporofeta, Moprista, le Khosi. E ne e le Moporofeta oa Molimo, E ne e le Ntsu. E ne e le Moprista oa Molimo, E ne e le Konyana. Mohla A khutlang, E tla ba Tau, Khosi, (leloko la Juda) ho busa.

³⁹ Empa lipakeng tsa bosebeletsi ba Hae ba Boprista, mohla serapelo se siuoang, re Mo fihlela a eme mono. 'Me Johanne o itse o ne a hapuoe ke Moea ka "letsatsi la Morena"; hase letsatsi la bosupa, hase Sontaha, eo ke phoso ka botlalo. Re fumane seo, ra se hlahloba hara Lengolo, e ne e le Letsatsi la Morena. Lena ke letsatsi la motho. Ho tla ha Morena e tla be e le letsatsi la Hae.

⁴⁰ 'Me re mo fihlela letsatsing la Morena. 'Me, hoba a bone Morena, O ne a le "moriri o bosoeu ba lehloa." 'Me re tseba hoo ho bapisa moahloli.

⁴¹ Ntho e 'ngoe, E ne e se Moprista lekhatheng leo, hoba Moprista o ne a tlangoa lethekeng, ho bolelang *bosebeletsi*. Empa O ne a tlamiloe sefubeng, holimo *mona*, ho bolelang hobane E ne e le *Moahloli*. Amen! 'Me re Mo bone a tsamaea mahareng a likandelare tsa gauta tse supileng.

⁴² 'Me joale re ile ra khutlela morao ho "Moholo oa Matsatsi," a le *mosoeu* Kahlolong ea Terone e Tšoeu mohla Daniele a Mo boneng, "Ho fihla ho Moholo oa Matsatsi eo moriri oa Hae o neng o le mosoeu joaloka lehloa."

⁴³ Joale, "bosoeu." Baahloli ba khale ba Manyesemane ho theoha le lilemo, ba ne ba tloaetse, enereha ha ba kena kahlolong ba roala wiki e kholo e tšoeu, wiki e bosoeu ba lehloa, hobane e ne e le baahloli. 'Me Johanne o Mo bone ka letsatsi la Morena, mohlang oo E le Moahloli. Amen!

⁴⁴ Joale re a fumana "Mahlo a Hae a ne a le joaloka malakabe a mollo." Mahlo ao a tšoana le malakabe a mollo . . . Mahlo ao a kileng a sesefatsoa ke likeleli tsa botho. O kile a ema a lla ka lebaka la monna ea shoang, athe o tsebile metsotsong e mehlano e latelang a tla be a boetse a phela; empa e le kutloelobohloko ea botho feela. Empa motšeо mono ho larile matla a makaale A le bokhoni ho phunyeletsa bophelo ba motho le ho 'molella hore na ke mang le sohle mabapi le eona. Hobane joale e ne e fihla khalimisong ena e ts'oana le mollo. Mahlo a shebang pele le morao holima lefatše, a bona sohle se etsahalang. U tla ema kae ka Letsatsi la Kahlolo? Libe tsa hau li tla ba lepalapaleng pel'a Hae.

⁴⁵ Le a lemoха O ne a tšoere, “Molomong oa Hae ho tsoile, e—e sabole e leolitsoeng ka nqa tse peli,” eona re e fumane e ne e le *Lentsoe*.

⁴⁶ Re bone maoto a Hae e le “borase e benyang,” le joalo-joalo, e ne e bolela “motheo oa Hae.” O hatile veine ea bohale ba khalefo ea Molimo o Matlaohle, ho hatakela le ho Ipelesa sebe, ho le lukela, le ho khahlisa Molimo. Ke hantle. ’Me motheo oa Hae ke motheo oa rona:

Ke ema holima Kreste, Lefika le tiileng; (Eddie Perronet o boletse.)

Litša tsohle ke ’hlabathe le tebang. (Ke hantle.)

⁴⁷ Joale mona re a fumana, nako le nako ha A kopana le mongoaha oa kereke, O mo lumelisa ka le leng la Mabitso a Bomolimo ba Hae. Joale re a fumana morao mono, ea pele hara litšenolo tsohle ke Bomolimo (Bomolimo bo Phahameng) ba Jesu Kreste: “Ke Ea neng a le teng, ea leng teng, le ea tlang. Ke oa pele, le oa morao, Molimo o Matlaohle.” Le a bona, tšenolo ea pele. Johanne a reteleha ho bona se buileng le eena. Ntho ea pele, A mo lumelisa ka . . .

⁴⁸ Khosi efe, ha a lumelisoa, o—o—o ipolela hoba ke mang; motho mang le mang. “Ke Sekete-kete ea buang le uena, ha u ntsebe. Ke William Branham, ke *John Doe*,” e ka bang mang.

⁴⁹ O itse, “Ke oa pele le oa morao; Ea neng a phela ’me a shoele; ’me o phela kamehla le mehla.” Oh, banna! Bomolimo. Mona re Mo bona ka boperesone ba Hae ba tlotsitsoeng hasupa. Mongoaheng ka mong oa kereke O—O ba atamela ka bomolimo bo fapaneng hara eo, maemo a fapaneng a e ’ngoe ea litlotliso tseo.

⁵⁰ Joale, bositung bona, O tla ka malakabe a mollo. O nyarela kahara Laodisea . . . kapa ho nyarela kahara Thiatire. Ona ke mongoaha oo kereke e nyetsoeng kahara Bokatolike le bopagane, kapa Bonikola le bopagane tse nyalaneng ’moho ho bopa le ho tsoala kereke ea pele, kereke e hlophisitsoeng.

⁵¹ ’Me Molimo o itse *liketso* sa Banikola (tse beng li le hara Baefese), koana ka—ka kerekeng ea Pergame li fetohile “thuto,” ha thoe e ne e le “thuto ea Balaame.” ’Me Balaame e le ea rutileng Israele ho tšeleta koo le ho etsa bohlola, kapa ba entse bohlola le Moabe (eeona e le setho se fofo sa kereke), kapa kereke ea tloelo, mokhatlo o moholo. ’Me re fihlela Molimo o boletse, ha thoe thuto ea Banikola e neng e le . . . e nka e . . . e bea matla ohle kahara kereke e a beella kathoko ho e fetola mokhatlo, O itse, “Le e hloile, le ’Na ke e hloile.” Ha A khaotse ho re, “E hloile! E hloile!” ’Me *mona* e ikakhela ka setotsaana. Le bona kamoo kereke e ntšitsoeng, hantle holimo *mona* hofihlela e le nthoana e sa tsebisahaleng, ’me eo ke kereke eo re leng ho eona joale.

⁵² Joale, letsatsing lena leo tšenolo ena e fihlang ka lona, kapa e lebisitsoe ho kereke ena, e le mohla Roma e hahileng holima majoe a maholo a setša sa bona, sa furu le setoroi. Empa O bua le kereke ena ho thoe “E sa ntse e le malakabe a mollo a shalimang tlase molapong oa nako, ’me motheo oa Hae hase litlhokoa, joang, empa o tiile, ke borase bo lekiloeng seboping sa mollo.” Motheo o tiile. Ke rata seo. Re tseba moo re emeng teng.

⁵³ Ho lokile:

Ke tseba mesebetsi ea hau, le lerato la hau, le tšebelelso ea hau, le tumelo, le mamello ea hau, le tšebelelso ea hau; le hoba mesebetsi ea hau ea morao—morao e fetisa ea pele.

⁵⁴ Ho lokile, kereke e bonahala e batla e khaotsoe ka botlalo, ke hlasenyana feela, ’me ba ne ba furaletse likopano tse kholo tsa moea, ba batla ba itšetlehile ka mesebetsi. Molimo ha u batle ha re itšetleha ka mesebetsi.

⁵⁵ Eo ke e—e pontšo ea sepheli. “Re tla isetsa Mofn Jones lipatsi tse ’maloa. ’Me re tla isetsa *Sekete-kete*, bana ba bona, liaparo tse itseng.” ’Me hoo ho itoketse. Empa, u se ke oa itšetleha ka eona, se etse joalo. Moena, tseo—tseo—tseo ke liketso tse ntle; molemo, moahi ea khabane o etsa joalo. Empa se hlokoang ho ba Mokreste ke boiphihlelo ba tsoalo ea bobeli, kolobetso ea Moea o Halalelang. Ho lokile.

⁵⁶ Ho qepha, ba ne ba itšetlehile ka mesebetsi sebakeng sa lerato le tumelo, ho fumana se fetisang le se fetisang ka linako tsohle ha e tsoelapele.

⁵⁷ Ho lokile:

Ke tseba mesebetsi ea hau, . . . ke tseba tumelo ea hau, ke tseba mamello ea hau, le joalo le joalo . . .

⁵⁸ Empa re tla nka temana ea 20, mamelang sena:

Empa ke na le litaba tse seng kae tseo ke li nyatsang ho uena, ke hobane u lumella mosali eo Jesebele, ea ipitsang moporofeta, ho ruta . . . ho khelosa bahlanka ba ka ’me hore ba tle ba etse bohlola bo bongata, ’me ba je linama tse hlabetsoeng melimo ea bohata.

⁵⁹ Joale, “mosali.” Re fumane *mosali* a bapisang maobane bosiu? Eona “kereke.” Joale, mona joale re ba fumana ba bitsoa “Banikola,” “thuto ea Balaame,” ’me joale e hatetsepele e fetoha “Jesebele.”

⁶⁰ Joale, “Jesebele.” Ha u ka elelloa, ena ke nalane e kholo. Joale, ha u batla ho e ngola fatše, qala ho Marena a Pele, nka re . . . Marena a Pele, nka re 16. Jesebele e ne e se morali oa Abraham; le sehlopha sena ka mona se ne se se joalo, Roma ea bopagane. Banikola ba ne ba bata, e le sehlopha se fofo sa Bakreste ba ne ba ikarotse ho Bakreste ba sebele, “ka ho hloka Tumelo.” ’Me ba ne ba batlile ho fetola kereke ho kang loje, e

tšoanang le ea bona kajeno; ntho e kang loje, ha e na Moea ho eona ho hang; "Matsatsi a mehlolo a fetile. Seo sohle se ne se baletsoe mongoaha o mong. Re theile boena." Mason ea lokileng, Odd Fellow, kapa ntho e kang eo e hlahisa seo. 'Me hoo ho itoketse, empa e ke ke ea tlatsa litulo tsa tsoalo e ncha ka ho Jesu Kreste, pholoso ea moea, 'Nete ena.

⁶¹ Ho lokile, Jesebele enoa. Joale e ne e le morali oa Abrahama, ke 'nete, khosatsana e leng mosebeletsi oa liseto. Mehleng eo lelapa la bokhos, lelapa la habo la bokhos, le ne le tumme ka botšepehi bo khohlahetseng ho Baalime. Ntatae e ne e le moprista oa seseto sa A-s-t-a-r-t-e (Ha ke tsebe le qapolisoa joang, ke le khoahlapisitse nalaneng feela). Eaba Akabe o qhaneha maqiti a its'oanelang le a Konstantine. Sechaba se seholo sena se matla se ne se le mabapi le Iseraele, ka baka leo . . .

⁶² Ebe Konstantine o entseng maobane bosiu? O ne a sa sokoloha. E ne e le ralipolotiki. O ne a leka ho etsang? O ile a nka Bakreste, mohlang oo ba itse ba tla rapela . . . ('Me joale mono, hopolang, o ta . . . joale re ntse re bua ka Banikola). 'Me a re ha ba ka rapela, a hlola ntoa ena, e tla ba—e tla ba Mokreste. O ne a lorile toro. A taka lithebe tsa hae bosoeu, bosuing boo, ka sefapano. Masole a Columbuse a qalile hona moo, hantle mehleng eo; joale ba itšetleha ka hona hoo. Empa ha eso hlakise letho le tšoantsang Mokreste! Holima kereke e 'ngoe ea Banikola, e bitsoang St. Sophia, a hloma sefapano. Joalokaha ke buile maobane bosiu, eona feelsa ntho a e entseng e utloahetseng eka o emela kereke, ho latela kamoo ke khoahlapisitseng maqepheng afe a linalane; le baithuti ba bang ba bangata ba ntsoe-leng. Ha re tsebe letho ka tšokoloho ea hae, joale. Empa eena o kena ho eng? Seo a neng a batlile ho se finyella, o ne a bone boholo ba Roma, joale.

⁶³ Joale shebang sena, le bee maqiti ana leihlo. 'Me le shebe kamoo e omeloang ke Bibele, Molimo, makholo le makholo a lilemo pele e etsahala. 'Me Konstantine o sebelisitse maqiti ona ao, mona Molimo o boletse, e leng ona a sebelisitoeng ke Akabe.

⁶⁴ Joale, Konstantine o bone karolo e kholo ea batho ba hae e le Banikola bana, Bakreste. Ba bang ba bona ba ne ba bitsoa "bahanyetsi," bona e le Mapentekosta; e ne e le "bahanyetsi le bahalaleli-bathetheli," le eng hape. E le hona moo lipontšo le mehlolo ea lona ea mannate e robetsang. Empa kereke ea *tlhaho* mehleng eo e ne e ipopa mokhatlo. Eaba o etsang? Konstantine a loha leano le masene. O tšeleta koo o nka metsoalle ea hae ea bopagane, o boela a nka metsoalle ea hae ea Bakreste, a matahanya likereke 'moho, o thea e—e . . . a sotetsa bopagane kahara Bokreste. Bokreste le bopagane tsa nyaloa kahara kereke ea Pergame.

⁶⁵ Joale, ebe O itseng ka mona ho sena bosuing bona? Eona ntho e entsoeng ke Akabe. Akabe, ho matlafatsa 'muso oa hae, a nyala

Jesebele, mosebeletsi enoa oa liseto; ho matlafatsa 'muso oa hae, ho kenya matla a mangata Israaeleng.

⁶⁶ 'Me le likereke li ntse li leka hona hoo. Le bona moo ba ntseng ba leka ho etsa Bibele, e tla ntsuoia isao ka '62? Ke eo Bibele e tla khahlisa Bajuda, e tla khahlisa Makatolike, e tla khahlisa Maprotestanta. Oh, moena! Ke tšoere likhechana tsa lipampiri. Ha ke a e tšoara bosiu bona, le nkutloile ke e bala bosiu bo bong le hona. Ke moo, le a bona.

⁶⁷ Oh, lintho tseo ho leka ho eketsa! Ba tšoara lintho tsa Molimo tse halalelang 'me ba li qhalanya ka tsela efe feela, ho eketsa lipalo tse ngata. Ke seo kereke e se entseng. E amohetse batho ka ho eona holima motheo oa ho tsukutla matsoho, 'me ba nkile balotsana le lintho tsohle, batho ba sa sokolohang. Empa kahara 'Mele oa 'nete oa Kreste, ona hase mokhatlo, empa ke 'Mele oa Kreste oa sephiring—oa tšomong, u ka kena teng tlasa mokhoa o le mong, 'me ke ka kolobetso ea Moea o Halalelang. Hantle! 'Me tsona lipontšo tse khahlotseng baapostola bao, li khahlola Kereke. Ke hantle haholo!

⁶⁸ Joale, ha re a tšoanelia ho ngoaetsa re re, "Be, re tla ea ingolisa le Assemblies. Re tla ingolisa le Oneness. Re tla ingolisa le *senā*, kapa Baptise, kapa Methodise." Ha re iteanyeng le Kreste! Ho itšola linthong tsena. Hobo a mong le o mong oa mekhatlo eo o lokile, empa ba—ba nka lithuto tsa bona le lintho tsa bona, 'me u tšoanelia ho tloha ho fuputsa haeba mookameli ea akaretsang a tla u lumella ho kena motseng le ho tšoara tšebeletso. Ha u sa rute hantle joaloka bona, u se u le kantle, u ke ke oa tiisetia Bibele. Molimo o ke ke oa e etsa, O e hloile. Mokreste ofe ea tsoetsoeng labobelio tla e hloea le eena. Batho ba bangata bao kantle mane ruri ba... ba batla joalo, ba batla ho sebeletsa, 'me batla ho kenela setsoalle. Empa u ke ke oa khona, ba ka u rahela kantle. Be, ba ka 'na ba le rahela kantle, tsoela pele, fumana Moea o Halalelang leha ho le joalo. Ke hantle haholo. Empa, le a bona, ba—ba nka seo—seo tšomo. Ba batla ho le isa moo le nang le chelete e ngata. Baptise e iqalletse lepetjo ka '44, "Milione o mong ka '44." Ba fumaneng?

⁶⁹ Joalokaha 'moleli e moholo Billy Graham a boletse, mohla a etetseng Louisville, "Nka kena motseng..." Ho re, "Santa Pauluse o kene motseng, a sokolle motho a le mong; a khutle isao a—a na le mashome a mararo ka a le mong eo; litloho-tloho-tloho-tloho-tloholoana, ho tsoa tšokolohong e le 'ngoe eo." A re, "Nka kena motseng, ke bitse likete tse mashome a mararo, ha ke khutla isao ha ke fumane mashome a mararo." 'Me seo a se buileng, o—o entse tlhahiso e ntle, empa le joale ha ke lumele moena oa rona ea khabane a ne a nepile. O itse, "Lona bareri ba botsoa." Ho re, "Nka le fa mabitso a bona le liaterese, le lutse le fapantse maoto desekeng le ba ngolla lengolo sebakeng sa ho ba etela, le qoqa le bona."

⁷⁰ Ka—ka batla ke mo tsota lebakeng leo. Ke rata motho a be seo a leng sona, e seng moikaketsi; ema tsoe hantle 'me u be seo u leng sona. 'Me ke rata hono. Empa ke rata ho re, "Billy, ke mang ea nyolohetse holimo mane ho nka mosokolloa eo oa Pauluse? E ne e le eng, Billy, ha u ka lesa ho ba khutlisa ho ea tsukutlana ka matsoho, le ho tsoha, ho thoe, 'E, ke amohetse Jesu joaloka Mopholosi oa ka,' le ho ba lulisa mono hofihela a shoele 'me a bolile, a tsoetsoe labobeli ke Moea o Halalelang, o tla hlahisa meeaa e mecha."

⁷¹ Moena, u a . . . o tuka mollo, u ke ke oa mo tima. O tšoana le ntlu e chelang mohla sefeso, u ke ke oa khona feela. Oh, o jaleha hohle feela, moena, mosokolloa oa makhonthe oa Kreste, ha a khone ho lula a thotse. O mpa feela . . . o lula a tsamaea. Oh, ke thabile haholo! Oh, banna! Kolobetso ea mehla-ea-khale ea Moea o Halalelang e tukisang moea oa hau mollo! U ke ke oa lula u thotse, athe moea u ntse o u butšoela, moea o fokang ka sefeso o tla lula o u butšoela. Khele ke lula ke akhela patsi feela, o lula o tuka. E, monghali! Mosokolloa oa Pauluse o ne a sa tlameha ho ts'oaroa ke motho, Pauluse o ba tsetetse hantle ka ho Kreste hofihlela a ichoeletse, 'me a phela ka ho Kreste, 'me o entse tse setseng tsohle. Ke hantle! Ke eona taba.

⁷² Baena ba Baptise ba itoketse. Empa milione o mong hape, o thusang? U thotse mabitso a mang a milione. Be, ke ho lula fatše feela le ho etsa a mang haeba u batla ho ba beha mono. Ho itoketse, empa, moena, seo re se batlang ke mabitso Bukeng ea Bophelo ea Konyana, e hlabiloeng esale ho theoa lefatše, a hlatsoitsoeng ka Mali, a tletseng ka Moea o Halalelang, lipontšo le meeka li u sala morao.

⁷³ Batlisang linalane. Ekare le ka thola bohole Nicene Councils le bale lintho tseo, ho bona kamoo bashoelatumelo bao ba bolokileng lelakabe leo la pentekosta. Ke a u bolella joale, moena, lona Mabaptise, Methodise, u ka bang eng hape, Leseli la makhonthe la 'nete . . . e seng mokhatlo oa Pentekosta, joale; empa Leseli la makhonthe, la 'nete ke Boiphihlelo ba Pentekosta. Tlase . . . Ke qetile matsatsi le matsatsi joale, linalane, ka li cheka hohle moo ke li thotseng, 'me ke lelakabe leo la pentekosta le ileng la lula le phela ho qala Pentekosta hofihlela nako ena. E, monghali! Esale le ntšetsoa kantle.

⁷⁴ Bang ba bona ba re, "Be, kereke e kholo ea Katolike e phutlide maqhubu. Khele, e ipaka e le Kereke ea makhonthe." Khele, hase mohlolo ho 'na, athe e tšehelitsoe ke na ha le ntho eohle, e khonne ho lula. Empa seo e—seo e leng mohlolo, ke sehlotšoana seo se tsetsepetseng, paloana eo e nyenyane, e raheloang kantle, e hlahleloang chankaneng, e sehloang ka lisaga. Ba khonne joang ho tsetsepela? Hobane Moea oa Molimo o phelang o haola kahara boleng ba bona. 'Me bademona bohole ba lihele ba ke ke ba E hlola! "Holima lejoe lena Ke tla haha Kereke ea Ka, 'me likhoro tsa lihele li ke ke tsa e hlola." Ke eo ntho ea mannate. Ke sona

fang bareri bana ba Methodise Moea o Halalelang, le ba joalo, mona. Le a bona, e a ba tsosa, e u etsetsa se seng. E ke ke ea hloleha.

⁷⁵ Akabe, moikaketsi eo. Le a bona, o tšeleta koo, o re, "Joale, ha nka matahanya sena feela joale, ka fumana sechaba se seholo sena. 'Me ha nka nyala morali oa moshanyana eo oa khale tlase mane, be, seo... re—re tla ba metsoalle." O ne a etsang? A rekisa ka bona boholo ba hae.

⁷⁶ Joale, ha kereke ena ea Protestanta e *khutla* e ikopanya le kereke ea Katolike, e tla etsa seo e se entseng morao mane. Akabe o phetse letsatsing leo la...

⁷⁷ E etsahetse hararo. O phetse boiphihlelong ba leeto la Iseraele la khitla ea bosiu, 'me khitla ea bosiu ke *ena* e tšoara hape, le rona re tšoara khitla ea bosiu hape *mona*. Meloko e meraro pele ho ona; ea kena *mona*, ka *mona*, le ka *mona*.

⁷⁸ Joale, ha u ka elelloa, Akabe o nyetse Jesebele ho natlafatsa batho ba hae. Ke seo Konstantine a se entseng hantle. O ile a thea kereke e kholohali, a ts'oara aletare a betla mabole o moholo, a apesa monna enoa, mopapa, a mo beha holimo mane. E ne e le molimo o phelang, a ka bua le bona, le—le ho ba bolella ka libe tsa bona, 'me taba eo ea khahla kereke e fofo eo ea khale, 'me ke bao ba tloha. Ehlide! Ke eona! Be, empa ha e a khahla monna eo ea tsoetsoeng labobeli, mohla ba nkileng ntho eo 'me ba kenya mesebetsi ena ea bopagane le ho thothokisa lithapelo. Ba entseng? Ba theotse Jupitere, 'me ba nyolla Petrose. Ba theotse Venuse, 'me ba nyolla Maria. 'Me ea kenya—ea kenya bopagane mafapheng a Bokreste.

⁷⁹ 'Me ha Akabe a ne a nyala Jesebele, o entse hona hoo. O lihetse Iseraele lisetong. 'Me Jesebele o entseng? O bolaile moporofeta e mong le e mong a beng a ka mo beha letsoho. Na ho joalo? Le bomopapa ba entse hoo. Mokreste e mong le e mong eo ba neng ba ka mo bea matsoho, ba ba bolaile.

⁸⁰ Empa naleli ea mongoaha oo e ne e le teng, Elia oa khale! Oh, e, monghali! O ne a sa tšabe, ho ba bolella ka eona. E, monghali! E ne e le naleli ea Molimo ea mongoaha *oo*. O kile a theoha a re, "Morena, ke setse ke le mong."

⁸¹ Molimo oa re, "Joale, bea butle motsotso, bea butle motsotso, bea butle motsotso, Elia." Uh-huh. "Ke se ke patile makholo a supileng hohle, ka koana. Le a bona? Ha u tsebe moo ba leng teng. Ba teng kantle mane, Bafarisi, Basadusi, Mabaptisi, Manethodise, le Mapresbeteriene, empa Ke tla—Ke tla ba ntša mono, ak'oeme feela. Le a bona? Ke ba ts'oere kantle mane. Ho na le... ba—ba—ba ke ba Ka, 'me ha ba eso khumamele Baalime." Empa Elia oa khale e ne e le Puo ea Molimo letsatsing leo. Ehlide e ne e le papiso ea Puo ea Molimo ho tleng ha Kreste la ho qala, 'me e tla ba papiso ea Puo ho khutleng ha Kreste labobeli hape, ho latela Mangolo.

⁸² Joale, re fumana Jesebele e monyenyanne enoa, eitseha a fihla mono, ruri o ne a tla qhaqha lialetare tsohle tsa Molimo a hahe lialetare tsa hae. 'Me a etsa hore Baiseraele ba khumame pela seseto. Ke hantle feela seo Konstantine a se entseng mohla a bopileng kereke ea Katolike. O hoholetse bopagane kahara e—e kereke ea Bokreste, a etsa hore Bakreste ba khumamele liseto. Oo ke mongoaha o lefifi hantle hape; mongoaha o lefifi oa Iseraele, mongoaha o lefifi oa—oa kereke; ho khumamela liseto. 'Me Elia e ne e le naleli letsatsing la hae.

⁸³ 'Me a memela Iseraele eohle ho khumamela Baalime, le kereke ea Katolike e entse hoo mane Thiatire.

⁸⁴ Joale, ke batla le lemohe ntho e 'ngoe e hlollang mona, ha ke ne ke batlana le nalane ea ka mona. Jesu o itse e ne e le... o ipitsitse moporofeta oa mosali. "Mosali eo Jesebele, ea ipitsang (ea ipitsang) moporofeta." Joale, le a bona, kereke ea Katolike e lumelle batho ba eona ho bala Bibele hobane ba re moprista ke eena feela ea ka senolang Lentsoe leo ka Khalalelo.

⁸⁵ Be, eo ke phetolelo ea mannete ea moporofeta. Moporofeta o tšoere koahollo e Mokhethoa ea Lentsoe la Molimo. Ke hantle haholo. Motho a ka ipitsa joang, e mong, "moporofeta" a ntano re, "ba tšoere tšenolo e phoso"? Kelello eo e itšoanelia le ea mora oa Bosafeleng hape, le a bona. Le a bona? Le a bona, ke e—ke e... *Moporofeta* o bolela "mosenoli ea nepileng, eo Lentsoe la Morena le mo fihlelang, tšenolo e a mo fihlela." Lentsoe *moporofeta* le bolela "mosenoli oa Lentsoe le Mokhethoa." Jesu o itse, "E mong hara lona ha e le moporofeta kapa motho oa moea, 'Na Morena ke tla bua le eena. Ekareha seo a se buang se etsahala, le mo utloe, hoba Ke na le eena. Ha se sa hlahe, le se ke la mo utloa." Ke phetho. E ne e le—e ne le Lentsoe la Molimo le Khethehileng, 'me Lentsoe la Morena le tlide ho baporofeta.

⁸⁶ Joale, ba itse *kereke* ena e ne e le "moporofeta." Joale hopolang, joale e fetohile ho tsoa ho Bonikola bona joale, e fetohetse ho "*tšali*." Le a bona? Eena "Jesebele." Joale, maobane bosiu e ne e le "thuto ea Balaame." Le a bona, "thuto ea Banikola" le "thuto ea Balaame."

⁸⁷ Joale, Balaame e ne e le eena ea entseng bohlola le Iseraele. 'Me e be—e be—e be Banikola ba entseng? Ho entsoe mokhatlo. Li kopanye 'moho 'me u fumana *ts'ali*, "kereke." Ehlide! Tšenolo 17, "Seotsoa se seholo se lutseng holima metsi a mangata." Mosali, seotsoa. Eena keng, kapa ke seotsoa joang? O ntse a feba, bofabe bo bongata ba moea, ka ho tolokela batho Lentsoe ka phoso. Sirohang bohlanya boo! Boo ke bohlanya ba mannete. Ke hantle.

⁸⁸ Joale, le a bona, o ipitsa moporofeta oa mosali, "Ke rona! Rona re k'hansele! Re boetse re k'hansele ea Laodisea hape, k'hansele ea batho, 'me re entse qeto *ena*, le *sena*, le *tjena*. Le re mamele ke hona!" Empa...

⁸⁹ Mopristanyana eo—eo holimo mona mohla a tla ntlhomma lipotso ka Elizabeth Frazier, kapa ngoanana eo ha Frazier. Ho re, “E—e k’hadinale o batla ho tseba haeba u tla . . . kapa bishopo, haeba u kolobelitse ngoanana enoa oa ha Frazier.” Ho re, “O fetoha Mokatolike.”

Ka re, “Yaa, kamoo ke utloisisang.”

Ho re, “Na—na u mo kolobelitse?”

Ka re, “E, monghali.”

Ho re, “U mo kolobelitse joang?”

Ka re, “Ka kolobetso ea Bokreste.” Uh-huh.

A re, “Be, u bolelang ka seo?”

Ka re, “Kolobetso ea Bokreste, kamoo Bibebe e bolelang. Mokhoa oa ho kolobetsa ka kolobetso ea Bokreste o mong feela. Motha e mong le e mong ka Bibeleng o qoelisitsoe tlasa metsi ka Lebitso la ‘Jesu Kreste.’”

⁹⁰ O ile a ngola fatše, a qala a ngola joalo. Ho re, “U a tseba, kereke ea Katolike e ne e tloaetse ho etsa joalo.”

Ka re, “Neng?” Ka re, “Mona ke tšoere linalane tsohle tseo nka li tšoarang, tse tsoang Landane le hohle feela.” Ke tle ke batlisise mohla hora ena e fihlang kapele, mohla ntho e tlang ho etsahala. Hmm. Ka re, “Ke—ke batla ho tseba hokae.” Nka ea . . .

A re, “Oh,” a re, “ka Bibeleng.”

Ka re, “U bolela ho re . . . ?”

A re, “Jesu o hlophisitse kereke ea Katolike.”

Ka re, “Na Petrose ebile mopapa oa pele, ke hona?”

Ho re, “Ruri ho joalo.”

Ka re, “Ke itse ‘kereke ha e tlaile ’me ha e fetohé, ’me limmisatsohle li etsoa ka Selatini li tle li se fetohé.”

A re, “Ke ’nete.”

⁹¹ Ka re, “Be, le hlile le fetohile makhetlo ho tloha mohlang oo.” Ka re, “Haeba Bibebe e le buka ea Katolike, ke tla be ke le Mokatolike oa mehla ea khale.” Le a bona? Ke hantle. Ka re, “Na ke Mokatolike oa mehla ea khale, ke hona.” ’Me ka re, “Ruri ehlide e . . . ”

A re, “Be, joale, u a bona, Bibebe ke nalane ea kereke ea Katolike feela.” A re, “Molimo o kerekeng ea Oona.”

Ka re, “Molimo o Lentsoeng la Oona.” Ke hantle.

⁹² “Lentsoe la Ka ke ’nete, ’me la motho e mong e be leshano.” ’Me mona Bukeng ea Tšenolo ke eona feela Buka (E reng ke e phete.) eo Jesu a e chaeletseng ka Seqo. ’Me ntho ea pele A e entseng e ne e le ho senola Bomolimo ba Hae, ’me O e etsa ka botlalo. Le ho re, “Ekareha e mong a tlosa letho ho Eona leha a ekeletsa letho ho Eona, le eena ho tla tlosoa (kabelo ea hae)

Bukeng ea Bophelo. Ho hlohonolofetse ea balang, leha e le ea utloang. 'Me ho rohakoe ea ekeletsang letho ho Eona leha e le ho tlosa ho Eona." Ke moo, na le bona karolo e kotsi. Ka hona u se ke oa ekeletsa letho ho Seo; u mpe u Le tlohele kamoo Le leng kateng, 'me u tsоеlepele feela.

⁹³ Moea o tla u senolela Lona ha u ka ikokobetsa feela, oa Mo kopa. Le a bona? Ke hantle. Joale, ka baka leo ha Le thata. Molimo . . . Jesu o lebohile Ntate ka . . . ha thoe, "Ke a U leboha, Ntate, lintho tsena U li patetse mahlo a borabi, le libishopo, le lik'hadinale, baokameli ba akaretsang, le—le ho Le senolela masea a tlang ho ithuta." Le a bona?

⁹⁴ Ke seo u se batlang. Ke tšenolo ea Molimo e ka fihlang feela kamoo A boletseng mono, "Batho ba re Ke mang?"

A re, "U Kreste, Mora Molimo o phelang."

⁹⁵ A re, "Simone, ha u a ithuta eona seminareng. Le a bona? Ha u a bolelloa ke motho. E tlisitsoe, ke tšenolo e theohileng Leholidong. 'Me holima lefika lena Ke tla haha Kereke ea Ka, 'me likhoro tsa lihele li ke ke tsa E hlola."

⁹⁶ Ke eona tšenolo eo Abele a neng a e tšoere tšimolohong. Ke tšenolo; e ne e le eona mohlang oo, esale tšenolo, 'me e tla be esale e le tšenolo. Ke hantle.

⁹⁷ Joale, re fumana mona e ne e le mosali joale, 'me *mosali* o emetse "kereke." (Na ke hantle? Kreste o tlelang? Monyaluoa, mosali, moroetsana ea hloekileng.) 'Me mosali oa khale mona, o itlaleha e le Kereke ea Molimo; empa, seo a neng a le sona, a khabile ka maruo le ka perela, le sohle, 'me a tšoere nkho ea litšila tsa bootsoa ba hae bo bongata, ao a noesitseng likhosí tsohle tsa lefatše le ho ba tahisa ka veine ea eona. Na ho joalo?

⁹⁸ Joale, re mo fumana mona a bitsoa "Jesebele." 'Me Jesebele, ka bokhopo ba Jesebele, hang hoba a fupare Baiseraele bao, a ba bolaea 'me a etsa sohle seo a se khonneng, 'me—'me a ikahela lialetare tsa hae. Na ho joalo? Ke hantle seo kereke ea Katolike e se entseng. Ke eona hantle. Empa joale ha re baleng re tsоеlepele. Taba ena e tla le hlolla. Ka linako tse ling u a holloa, u tla ja haholoanyane.

. . . ea ipitsang *moporofeta*, (Joale, haeba a re, "Ke 'na
feel a toloko ea Lentsoe.") ho ruta le ho *khelosa bahlanka*
ba ka hore ba etse bohlola bo bongata, . . . ba je linama
tsе hlabetsoeng melimo ea bohata.

⁹⁹ Moena eo ea botsitseng ka "noha," mabapi le "ho ja tholoana tšimong ea Edene." Le a bona keng (Ha ke re?) mohla A neng a re, "ja," mona. Seo e neng e le sona, e ne e le taba ea moea, le a bona. 'Me e . . . 'me . . .

*'Me ke mo file sebaka sa ho baka ho bohloleng—
bohloleng; empa ha a ka a baka.*

Bonang. Ke tla mo lihela liphateng, . . . (Liphate tsa mofuta mong? Tsa selefatše. Ke hantle seo a leng sona kajeno.) . . . 'me ba febileng le eena ke tla ba kenya tlokotsing eo e kholo, ha a sa baka liketsong tsa hae.
 (Mono ke ho kena Tlokotsing e Kholo.)

'Me . . . bolaea bana ba hae ka lefu; . . .

¹⁰⁰ Whoa! Eng ea hae? Ngoanana enoa oa khale o ne a e na le bana ba itseng. Joale Tšenolo 17. Ba bakae ba lona . . . ? Bohle le ne le le teng mona maobane bosiu, ke a kholoa. Ho lokile. Tšenolo 17, seotsoa sena sa khale, kereke ea Katolike, o ile a bitsoa “seotsoa,” ‘me e ne e le “m'a liotsoa.” E ke ke ea ba bashanyana, tseo e ne e le *likereke*.

¹⁰¹ Joale e be kereke ea Lutherane, tsena tsohle li tsoa kae? Mokhatlo o mong le o mong o tsoile kae? Qalo ea eona e hokae, Laodisea? Banikola qetellong ba ipopa kahara eona; e boela e ba ntho eo hape. U ke ke oa thusa, moena. Oh, Elia o ile a hlaba mokhosi khahlano le ntho eo letsatsing la hae. Johanne o ile a hlaba mokhosi khahlano le eona letsatsing la hae. E, monghali! Le se ke la re ka ho lona, “Rona re bana ba Abrahama: hobane ke re Molimo o ka tsosetsa Abrahama bana le ka majoe ana.” Le a bona? E ke ke ea thusa feela.

¹⁰² Joale, o ne a na le bana. Na Jesebele oa n'nete o ne a na le bana? E, monghali! Mamelang:

. . . Ke tla *bolaea bana ba hae* . . .

¹⁰³ Eng? Kereke ea Katolike, bana ba eona ke mokhatlo oa bolumeli ba Protestanta. Le a bona, ke eona hantle, hoba li etsa ntho e tšoanang. Ho kolobeletsoa hantle ka kolobetso ea bokhelohi, kolobetso e sa khemeng le mangolo; ho tsukutla matsoho litulong tsa Moea o Halalelang; “Ntate, Mora, le Moea o Halalelang” litulong tsa “Jesu Kreste.” ‘Me ho etsoa sohle se khahlano le Bibele. Le joale! ‘Me ba kena ho eona hantle.

¹⁰⁴ Morali oa hae o ne a bitsoa Athalia, A-t-h-a-l-i-a-h. A na le oa hae . . . Eena, Jesebele, a nyalisa Athalia ho Jorame, mora oa khosi ea Juda, ‘me hang lialetare tsa Baalime tsa ema kahara Jerusalema. Joale, ha le a tlameha ho ea nalaneng ho e fumana, eo ke Bibele. Le a bona? Morali oa hae, Athalia, o ile a nyaloa ke mora oa Josafate, e leng Jorame. ‘Me barali ba hae ba entse seo a se entseng.

¹⁰⁵ Oh, banna! Na ha le e bone? Na le bona kamoo mekhatlo eo e sebelitseng kateng, baena? E khutlide hantle hape ka Luther le bao, hantle feela, tsa itlhophisa sebakeng sa ho lumella Moea o Halalelang. ‘Me Pentekosta e entse ntho e ts'oanang hantle. Ha ba lumella Moea o Halalelang ho tsoelapele ho fuoa tokelo ea Oona ea tsela, le ho tsoelapele; ‘me leseli ka leng ha le fihla, le le hlahlabe ka Lentsoe, le ho tsoelapele. Ha ba ka ba lumella Moea o Halalelang ho etellapele, ba ile ba tlameha ho bopa mokhatlo le ho ikhaola nthong e 'ngoe le e 'ngoe e neng e tla hlahlama. Ho

khutlela morao hantle ka kotloloho le ho nyaloa ke ntho eo hape! Hantle feels. Etla re fihla mongoaheng oo, le mpe le shebe se le emetseng tlase tseleng mona. Le a bona? Ho nyaloa hantle ka kotloloho morao kahare! Jesu o boletse mona, “Eena... Jesebele enoa, o ipitsa ‘moporofeta,’ athe Ke tla mo lihela liphateng tsa selefatše, le ho bolaea bana ba hae hape” (Joale, ka mofuta ofe...?) “ka lefu.”

¹⁰⁶ Ebe ke eng... bana ba hae ba tla bolaoa ka lefu la mofuta mong? Le a bona hona joale ba shoele! Ho shoa ka moea! Ha ba na tšenolo! Ba tseba mokhatlo oa bona, ba tseba katekisima ea bona, ba tseba thuto ea kereke ea bona; empa haele ho tseba Molimo, ba bang ba bona ha ba Le tsebe hakaalo ka ha Mokhothu a ka tseba ka bosiu ba Egepeta; ke hantle, ha ho fihloa ho tseba Moea o Halalelang kannete. Ho ipotsa; ho O bitsa... ba batla ho bitsa Moea oa Molimo “bouppelli,” kapa “diabolosi,” oa... ka ho lemoha meeia, le lintho tse kang tseo, le ka ho leleka batemona. “Khele, hase setho sa mokhatlo oa rona. Sehlopha seo, oh, brrroo.” Le a bona, ba mpa ba sa tsebe feels. Le ho E qhoaela e—e lebitso la “Jesu Feela,” kapa ntho ea mofuta e leng “mohalaleli-nmothetheli,” kapa—kapa ntho ea mofuta oo. Ho se tsebe feels!

¹⁰⁷ ’Me hora ea ho pepesoa ha ntho eo e haufi. Ke eona hantle. Molimo o tla e phethisa ruri joalokaha ke eme kamorao ho sefala sena, hobane O tla utla bana ba Oona ruri joalokaha ke eme mona hantle. ’Molimo Leholimong o tseba seo. Le a lumela hobane ke moporofeta oa Morena, mohlanka oa Morena, le nkutloe. E atametse. E, monghali.

¹⁰⁸ “Bana ba hae ba tla bolaoa ka lefu la semoea.” Ba shebeng: ba batang le ba fofo. Shebang e... shebang ntho ea rona... Ha re a tlameha ho bua ka Mabaptise le Mapresbeteriene, re ba tseba esale ba shoele lilemo. Eng...

¹⁰⁹ Mohla Luther a neng a tšoere tsoselsetso ea hae, tokafatso, holane a ile a... Holane a tsoelapele, motsamao o moholo ona—ona oa Pentekosta joale e ka be ebile kereke ea Lutherane. Leseli le ka be le tlide ka khalaletso, holane Wesley a latela. O... Luther o sitiloe ho e sala morao. Che, monghali, e se e le Malutherane.

¹¹⁰ Eaba ho fihla Wesley. Ka morao ho lefu la Wesley, ebile ho etsahalang? Ba hlophisa seo, le ho bopa Wesleyan Methodist, ea Boholoholo Wes... oh, mefuta eohle ea Mamethodise. Le a bona? ’Me eitseha... Ho ile ha tšoaroa tsoselsetso e kholo, empa eitseha ha ba faha mokhatlo, ha etsahalang mohla Pentekosta e fihlang e bua ka maleme le khutlisetso ea lineo? Ba sitiloe ho khatha tema; ba bitsitsoe matemona.

¹¹¹ Joale Pentekosta e entseng? Sona se entsoeng ke ba bang! ’Me ba hokae? Ba shoele sa thakhisa ea monyako. E, monghali! Ke eona ka nepo. “Ke tla lihela bana ba hae liphateng tsa—liphateng

tsa lefu, ho ba bolaea.” Be, e reng—e reng ke e bale le tle le bone mona, ke a kholoa e ne e le temana ea 22:

’Me ke tla mo lihela liphateng, le ba febileng ’moho le eena ke tla ba lihela koana ho tlokotsing e kholo, (e—e Tlokotsi e Kholo)...

¹¹² Ke sona se etsahalang. Joale hopolang, ha nke ke khefutse mona motsotso feela, Tlokotsi e Kholo eo ke ntho eo—eo mono e tlang ho lihela ka mono, ke batho bao e leng baroetsana ba robetseng ba se nang oli lilamping tsa bona; koana e ne e le litho tsa mokhatlo, batho ba molemo, ba kena kereke, ntho e ’ngoe le e ’ngoe; empa ba ttile ho itholla oli, feela nako e se e tlotsé mohlang oo. Le a bona, ho mo lihela Tlokotsing e Kholo, o tla kena ho eona, kereke ea Katolike e a kena, bana ba eona bohle ba kena le eena, kahara Tlokotsi e Kholo.

... a sa bake diketsong tsa bona.

¹¹³ E seng—e seng bana ba kahare ka mono; empa kereke sebele sa eona, ke bana ba eona (ke mokhatlo), e seng batho ba leng ka mono, joaloka Makatolike a mafutsana, Mabaptise, Presbeteriene, kapa Mapentekosta. Ke ba utloela bohloko. Feel, “Be, ke . . .”

“Na u Mokreste?”

“Be, ke Mopresbeteriene.” Oh!

¹¹⁴ Ha e amane le Eona hakaalo kaha ho ka thoe “kolobe e palame qhana-lephako e holim’ a pere ea mojaho.” Ebe u ka etsang ka eona lefatšeng? Khele, ha ho letho ho hang. Ha ke a e bua e le motlae, eo ha se . . . ena ha se . . . ha se sebaka sa metlae sena, ena ke—ena ke Evangel. Le a bona? Ke ne ke batlile ho taka papiso. Le a bona, empa hoo—hoo ke ’nete. Le a bona, ha ba amame le Eona ka letho—letho ho feta letho.

“Ke Mopentekosta.”

¹¹⁵ Ha e amane le Eona ka letho ho feta letho. U ka ingolisa le mekhatlo ea bona e mashome a mane-leshome le motso o mong, empa na u ngoana oa Molimo ea tsoetsoeng-labobel? Ruri, na u rata e mong le e mong ka pelo eohle ea hau, ka moea ohle oa hau, ’me u rata Molimo, ’me letsatsi le leng le le leng u a . . . ho sa tsottelehe seo motho a u etsang sona? Ha u phahama u re, “Humml!” joaloka saga e hobang, hoo ho supa Moea o Halalelang o falletse, haeba u kile oa ba le Oona.

¹¹⁶ Sheba:

... ha a sa *bake liketsong* tseo.

Ke tla bolaea bana ba hae ka lefu; . . .

¹¹⁷ “Bana ba hae,” ba Jesebele. Joale, ebe Jesebele o entseng? O nyalisitse barali ba hae lesakeng le leng (la Juda) ka mane, koana kahara Juda. Joale shebang moelelo oa moea. Mohlomong nka e taka. Mona, behang taba ena leihlo ka kelohloko joale:

¹¹⁸ Jesebele ke *enoa*, le Israele. Empa Juda ke *enoa*, mofuta o fapaneng ka mona, ho o mong; *enoa* ka mona ke Josafate. Ho lokile. Joale, *enoa mona* ke Akabe; joale Jesebele ke *enoa* ka *mona* hantle. Joale, o kena ka *mona* o lihela Israele eohle tšebeletsong ea melingoana.

¹¹⁹ Ke hantle seo kereke ea Katolike e se entseng motšeou litšiung tsa eona mohla Konstantine a neng a lohella Banikola (batsepami ba hoammeng holimo ka *mona*) kahara e—ho e—e kereke le ho bopagane, le ho bopa sebopinho sa bopagane sa Bokreste. Ha ke batle ho le thonkha maikutlo, batho ba Katolike, empa ke jere boikarabelo pel'a Molimo. Ke phetho seo kereke ea Katolike e leng sona, ke tšobotsi ea Bokreste ea bopagane: litumelo-khoela, le lisetso, le ntho eohle eseles. Ke hantle haholo, tšobotsi ea bopagane feela. Joale, eo ke 'nete. Haeba ke eshoa motsotsong ona, eo ke 'nete. 'Me le Maprotestanta a kahara nthong eona eo hantle, feela empa e le lefapheng le leng.

¹²⁰ Joale shebang seo Jesebele a se entseng. Ka hona, le a bona, e—e diabolosi... O ne a inehetse hakaale, o ile a nka barali ba hae. A fumana morali ea tsoalloang *mona*, 'me morali *enoa* o fetela ka *mona* ho monna e moholo *enoa* oa mohalaleli o nyaloa ke mora oa hae; 'me o tlisa ntho eona eo ka *mona* ho tsoa ho Josafate, ka lehlakoreng lena.

¹²¹ Joale, Banikola ba makhonthe, Banikola, bahatseli ba tsepameng ba neng ba batlile mokhatlo, ba nyetsoe kahare ka *mona*. 'Me joale le lemohe eona ntho eo. Ba nkile Jesebele *mona* (kereke ea Katolike), 'me tlase *mona* o nka morali oa hae (mekhatlo ea hae) 'me o e nyalis hantle kahare ka mono, le ho etsa ntho e tšoanang ho bona. "Ho bolaea bana ba hae ka lefu la moea," lefu la moea. Ho itlophisa ho isa lefung, 'me ntho ea pele le a tseba, Moea ohle o falletse.

¹²² Mpolelleng. Ha nke ke le botse ntho e le 'ngoe, ranalane ofe mona, etsoe mona ke tseba ho lutse ba bahlano kapa ba tšeleteletseng. Ke batla u tle u hlahise Lengolo le le leng kapa—kapa mongolo ofe oa—oa nalane, moo efe ea likereke tseo e kileng ea khutlela ho mokhatlo e kileng ea tsoha hape ka tsoseletso le ka mohla. Mpolelleng. Enereha li itlhophisa, na li kile tsa tšoara tsoseletso ka mora hoba li itlhophise? Che, monghali! Moea o ile oa tsoa ho tsona. Ke kenyelletsa le Pentekosta.

¹²³ Mohla Lehlohonolo la Pentekosta le neng le tšoloha, 'me le buile bohle ka maleme, lona makhaba-a-khale, la fumana Mahlohonolo ao a Pentekosta le lintho, le ile la oela tlolong. Haisa-isla la thea ho bitsitsoeng General Council. Sepheli se itoketse, empa e sang mokhatlo. Ntho ea pele le a tseba, ha le a khona ho e mamella, la tlameha ho khutla le ho fetoha "ngoana oa... Satane," le ho itlhophisa.

¹²⁴ Eaba ho fihla Leseli le leng, mabapi le Lebitso la Jesu Kreste. Eaba bohle ba qaoa, ke ho re, "Ho bokoe Molimo, haeba u sa

tšoara lebitso la Jesu, u ea liheleng. 'Me re Le tšoere, athe lona ha le a Le tšoara.' Ba ile ba etsang? Ho shoela hantle mono mehlaleng ea bona; ho bopa mokhatlo ka eona. Le a bona? Sebakeng sa ho lumella Leseli ho phalla ka kereke, e ne e tla lula malulong a eona ka boitšebetso. Empa la itlhophisa. Ke eng? Ngoana oa Jesebele. 'Me bohole ba shoele, 'moho.

¹²⁵ Joale ke batla ho le botsa taba. Na ebe Assemblies of God, kapa Oneness, kapa—kapa na efe ea tseo tsople e kile ea tsoha ka tsoseletso e kholo ea kopanelo? Lekhale ho hang! Tsoseletso ena e sa tsoa feta, Moea o Halalelang o ile oa theohela nokeng (bongata ba lona bo lutse mona hona joale) ka 1933, 'me ho ne ho tla hlaha tšebeletso e kholo ena ea pholiso, ho re, "E tla haola le lefatše," 'me ha eso fete mokhatlong ofe o fapaneng ho hang. Molimo o hatetse kantle ho marako a hlahaha mohetene, mohlomong, ho qala tsoseletso. 'Me le shebe seo E se entseng! Le a bona?

¹²⁶ Mekhatlo eo, hang ha e hlophisa, e shoele. O its'e, "Ke tla bolaea bana ba hae ka lefu." Oh, banna! Ke a tseba le... Le se ke la ntllhonamela hleng, empa ke... Haeba ke tseba Sena 'me ke sa Se bolele, ke moikaketsi ea tlase ea nyehlileng, 'me Molimo o tla ntjarisa boikarabelo ba Eona. Ke batla ho tšoana le Pauluse, "Ho se tsoafe ho le bolella tšoanelo eohle ea Molimo." Ke hantle. Ho lokile. Ho lokile.

¹²⁷ Joale, 'me ba hahile lialetare Jerusalema. Joale ke batla ho bona... Mohla Jesebele a neng a chata Akabe, o tlisitse litšoantšo ho khumameloa ke Israele. Le thuto ea Banikoloa e entse joalo, e ile ea nyaloa ho bopagane; ea theola Jupitere, ea nyolla Petrose; le Venuse, ho Maria; 'me joalokaha Bibebe e boletse, "O lihetse Israele sebeng."

¹²⁸ Le kereke ea Katolike e nyalisitse barali bohole ba eona mokhatlong, 'me ntho eohle ke sebe, joaloka Jesebele ho morali oa hae. Ho lokile. 'Me ka ho etsa sena mohla bolaoli bo neng bo hlophisoa, 'me Mopapa Boniface—Boniface oa III a hloella setulo sa hae, ba ne ba behile e—e molimo teroneng, ba sa hlole ba hloka ho sebelisa kolobetso ea Moea o Halalelang ka kerekeng. Ke hantle. Ba ne ba inketse litumeloana tsa bona le meralo, 'me ba tsoelapele.

¹²⁹ 'Me mohla mokhatlo o neng o amohela tšomo eona eo, ba leleksete tokoloho ea Moea o Halalelang ho kereke, Baptise, Presbeteriene, Methodise, le joalo-joalo. Ba entse hoo hantle! 'Me butle-butle re ba bona ba omella 'me ba eshoa joalokaha Jesu a buile ka morara. Joale, Moea o Halalelang ohle ka lipontšo le meeka oa chechisetsoa morao letsatsing le fetileng. 'Me ba ruile, joalokaha le eena a entse. Ka hona o lihetse lefatše lohle sebeng, hobane o ile sechabeng se seng le se seng, eena le barali ba hae. Ke hantle.

¹³⁰ Joale le shebe mohla A mo hlabelang mokhosi mongoaheng o mong oa kereke joale. Le Mo shebe ha a mo hlabela mokhosi. Le

Mo shebe ha a mo qeka mona tlase qetellong, le ho ntša Mesaletsa ea Hae, “ka lebaka la Bakhethoa,” ba ’maloa feela, esere ha se ke ha sala nama e bolokehang haeba . . . ba bang che.

¹³¹ Joalokaha ho ngoliloe ho Tšenolo 13:6. Na le rata ho e finyella motsotsong feela? Mono O boletse hore O . . . ha thoe “Mosali enoa o entse hore bohle ba amohele letšoao (sebata sena se entse hoo), se entse hore bohle ba amohele letšoao (bafumanehi, ba baholo, e ka bang mang), letšoao la sebata,” eona e ne e le Kereke ea Roma e Katolike.

¹³² Ke seo kapa ba entse setšoantšo . . . Tšenolo 13:14, ba entse setšoantšo sa sebata. Lona—lona . . . Ke khlooa bohle le balile seo. Halofo ea lona, khele, re tla le phetla hantle re le bale. Tšenolo 13:14:

’Me sa thetsa bohle ba ahileng holima lefatšeng ka mehlolo eo se nang le matla ho e etsa pontšeng ea sebata; (Eo ke konfederasi ena ea kereke). . . le ho e etsa pontšeng ea sebata; se re ho ba ahileng holima lefatšeng, ba etse setšoantšo nqa sa sebata, se nang le leqeba le bolaeang (bopagane) . . . ka baka la sabole, ’me sa phela . . . (ka mopapa, Roma ea bopagane ho ea ho Roma ea mopapa. Le a bona?)

¹³³ “Ho etsa setšoantšo sa sona.” E tla be e le eng? Hantle feela seo ba se etsang hona joale, hantle ka tšoanelo, o nyoloha ka konfederasi ena ea likereke, “Likereke tsohle e be setho sa mokhatlo ona, tsohle li kena sehlopheng se le seng.” Joale ba itholla Bibebe. ’Me Mopapa John o ba memile bohle ho khutla. Moarekabishopo oa Canterbury, ho likoloha hohle. Ntho ea pele le a tseba, ntho eohle e khutlela ho *Mammy*, hobane ke liotsoa le ho qaleng. Le a bona? Ba re, “Bohle re tla iteanya morerong o le mong oa motonana ho loantša Bokomonisi.” Athe ha ba tsebe hobane Molimo o hlahisitse Bokomonisi (nka e kholisa ka Bibebe ena.) o bile o kentse mehopolong ea bona ho phetetsa mali a bahalaleli, mali a tšolotsoeng holima lefatše. Molimo o hlaphisitse Bokomonisi joalokaha O entse ka Khosi Nebukadnesare ho—ho laea Israele. O hlahisitse Bokomonisi, me ka letsatsi le leng bo tla phatlola Roma bo e falatse ’mapeng. [Sekheo lebanteng—Mohl.] Ke eona hantle. Molimo o itsalo. Ke hantle.

’Na ke khahlano le bokomonisi; bo khahlano le Molimo. Ehlide bo joalo. Empa le se ke la tsotella Lesira la Tšepe hakaalo, le mpe le behe lesira leo le purapera leihlo. Balang *Buka ea Bashoelatumelo* ea Foxe ’me le tla bona hona hohle, ke hantle.

¹³⁴ Joale ha re boneng moo re . . . ’Me hape mona le ’mona a entse hore bohle (barui, bafumanehi) ba amohele letšoao; empa se teng sehlopha se le seng seo a sitiloeng ho se ama. Na le tseba seo? Tšenolo 13: . . . 8.

¹³⁵ Mamelang sena. E reng ke bale sena:

Eaba ke ema mabopong a leoatle, 'me ka bona sebata se nyolohang maoatleng, se nang le lihlooho tse supileng le linaka tse leshome, . . . holimo linakeng tsa sona . . . meqhaka, 'me holimo lihloohong tsa sona ho ne ho ngoliloe mabitso a nyefolang. (Ao ke maralla a supileng; maobane bosiu re e nkile eohle, le a tseba.)

'Me sebata seo u se boneng se ne se tšoana le lengau, . . . maoto a le joaloka—joaloka maoto a eona bere, 'me molomo oa sona . . . molomo oa sona o ne o le joaloka molomo oa tau: 'me drakone (E ne e le diabolosi e khubelu e neng e eme pel'a mosali ho metsa ngoana oa hae, eona e ne e le Roma, bohle re a tseba.) . . . *'me ea se fa . . . matla, le terone ea eona, le borena bo boholo.*

Ka bona hlooho e 'ngoe ea sona e hlabiloe eka e ne e ea shoa; (bopagane, le a bona) . . . *empa leqeba leo le e bolaeang la fola:* (mopapa o nka setulo sa hae, ho ikopanya le Bokreste, le Banikola) . . . *'me lefatše kaofela la makala ke sebata.*

¹³⁶ Bokatolike bo haotse le sechaba ka seng se leng tlasa maholimo. Ke hantle. Joalokaha Daniele a buile ka tšepe e tsoakanang le letsopa, le joalo-joalo.

¹³⁷ 'Me ke tla le lahlella lethoana mabapi le eona, ntho eo "tšepe le letsopa." Na le lemohile, kapa na nkile ka le qotsetsa eona, mohla seboka se sa ho qetela holimo mona moo Khrushchev a ileng a rola seeta a batola tafole ka sona? Teng keha ho kopane lichaba tse hlano tsa bochabela mono, le lichaba tse hlano tsa bophirimela. Khrushchev o ne a eteletse lichaba tsa bochabela, Eisenhower a eteletse lichaba tsa bophirimela; baetapele ba baholo ba sehloho ke bao, menoana e metona ea maoto. *Khrushchev*, ka Serashia, e bolela "letsopa." *Eisenhower*, ka Amer- . . . ka Senyesemane, e bolela "tšepe." Re qetellong.

Ba rapela drakone kahobane e neile ho sebata ka matla a eona: 'me . . . (Oo ke molaetsa oa rona o latelang mona tabernakeleng, le a utloisia.) . . . 'me ba rapela sebata, ba re, Ke mang ea lekanang le sebata? 'me ke mang ea ka tsebang ho loana le sona?

¹³⁸ Ka mantsoe a mang, shebang mona. Eisenhower o na le—o na le lebitso le leholo mona United States ena, empa hase letho Roma; Rashia, hase letho letho. Khrushchev o moholo Rashia, empa hase letho United States. Empa monna o teng ea moholo hohle, eena ke mopapa (Ke hantle.) "Ha re itlhophiseng 'moho, 'me re teaneng hammoho."

Sa neoa molomo ho bua litaba tse kholo . . . nyefolo; . . . sa fuoa matla a ho loana ka likhoeli tse mashome a mane a metso e 'meli.

Sa ahlamisa molomo oa sona ho nyefola Molimo, (le ho "ruta thuto eo e leng melao ea batho; bakaki, bahalefi,

ba ratang menate; ba nang le sebopeho sa borapeli, ba mpa ba latola Matla a jona") . . . le ho nyefola *lebitso la oona*, (Ho nka "Ntate, Mora, le Moea o Halalelang" sebakeng sa "Morena Jesu Kreste." Le a bona.) . . . *le tabernakele ea oona, le ba ahile teng ho . . . koana—koana leholimong.*

Sa neoa ho loantsa khahlano le bahalaleli, (ke moo ho hlaha hloriso) . . . le ho ba hlola: hape sa neoa ho sona matla holima mefuta eohle, . . . lipuo, le lichaba.

'Me se tla rapeloa ke bohle bao ba ahileng lefatšeng—lefatšeng, bao mabitso a bona a sa kang a ngoloang bukeng ea bophelo ea Konyana e hlabiloeng esale lefatše le theoa. (Oh, oh, oh, oh, oh, oh, oh.)

¹³⁹ "Motheo oa lefats'e." Mabitso a rona, haeba a kile a ngoloa Bukeng, a ne a beoe mots'eo mane. Jesu o itse, "Ha ho ea ka tlang ho 'Na a sa huloe ke Ntate oa Ka pele, 'me bohle bao Ntate *a seng*" a Mphile bona ba tla tla ho 'Na. Linku tsa Ka li utloa Kolu ea Ka, (Tsena ke Lijo, le a bona.) "me osele . . ."

¹⁴⁰ A ka re, "Be, ke ingolisitse kerekeng feela, ke lokile hakaalo ka uena." Tseo hase Lijo tsa linku.

¹⁴¹ Lijo tsa linku ke *tsena*, "Ho lula Maholimong ka ho Kreste." Oh, O a babatseha! Ha A joalo na? Ho lokile.

¹⁴² Joale ha re qetelleng ka potlako ea ruri hobane ke, yaa, nako e tlotse joale. Ho lokile. "Empa Ke re . . ." Ha re boneng joale, ke tšoere temana ea 23:

Ke tla bolaea bana ba hae ka lefu; 'me likereke tsohle li tle li tseba hobane ke 'na ea lekolang matheka le lipelo: 'me Ke tla putsa e mong le e mong oa lona ka ho lekanang mesebetsi ea hae.

Haele lona, le ho ba bang ba Thiatire, ba sa yang ka thuto ena, . . . (E ne e le thuto ea mofuta ofe? Mokhatlo, dibishopo, le diarekabishopo, le bomopapa, le a bona.)

¹⁴³ "Ba sa eeng ka thuto ena." Joale, Bibele, re fumane maobane bosiu Israele, ha e haola le Moabe, e ne e se sechaba. Ba ne ba ahile bophareng ba lefatše, 'me e ne e le batho, ba lokolohileng. Na ho joalo? Papiso; baphaphathehi, ka litente le ka lintho tse joalo. Sehlopha sa pentekosta se a itšoanel, pentekosta ea 'nete, e tlohang sebakeng ho ea sebakeng. Le a bona? Ho lokile.

. . . ba sa yeng *ka thuto ena* (empa ba itlhophisa, ba etsa mokhatlo o moholo ka eona) . . . ba sa yeng *ka sena . . . ba sa kang ba tseba matebo a Satane*, . . .

¹⁴⁴ Joale hopolang re fumane moo Satane a neng a ahile teng. Maobane bosiu, re mo isitse hantle morao koana tšimolohong. Setulo sa hae se ne se le kae tšimolohong? Babilona. 'Me Babilona . . . Mohla e—e bolaoli, khosimoprista oa Babilona, a neng a phalletsoe ke Bakalde ba hapakang, o ne a fihle Pergame

a aha teng. Le a bona, a fetola bolulo ba hae ho tsoa lefatšeng la Shineare a nyolohela Pergame. Re sa tsoa bala seo hantle linalaneng maobane bosiu. 'Me joale eaba mono o a qala, a bopa kereke ea Katolike, le joale esale 'mè Babilona. Ho lokile, "Moo Satane a ahileng teng."

... e leng moo ho ahileng *Satane, kamoo ba a bitsang kateng; nke ke ka le bea boima bo bong.*

¹⁴⁵ "Ha ho sa le boima bo bong; feela le tiise seo le se tšoereng." Sehlotšoana sena se leng kahare ka mono, le a bona, se patisitsoeng Mongoaheng o Lefifi ona. Joale ba haotse mono lilemo tse ka fetang sekete le makholo a mahlano.

Feeła lona le 'ne le tiise seo le nang le sona ke be ke fihle. (Ka mantsoe a mang, "Le sa ntse le bolokile Lehlohonolo la Pentekosta lipelong tsa lona. Le tiise seo ke be ke fihle ho le imolla, hoba mongoaha o hlahlamang ona o fihla hantle lekhetlo le tläng.")

...ea hlolang, 'me a tiisetsa ho etsa mantsoe ea ka ho isa qetellong, 'me ke tla mo fa ona 'muso holima lichaba:

O tla li lisa ka lere la tšepe; 'me li tla thuoa joaloka e be pitsa tsa letsopa: kamoo le 'na ke nkileng taelo ho Ntate kateng.

¹⁴⁶ Le a bona, Kereke eo, ho tla ba joang mohla Kereke eo ea Mongoaha o Lefifi e emang kahlong khahlano le mphi eo ea kereke ea bopagane ea... motšeо mono? Na ebe ba tla hatakeloa! Maoto ao a borase a tla hatakelo hantle mono, ke a le bolella! "O tla ba pshatla e be maqhetsoana," Bibele e boletse.

Ke tla mo fa ho eena naleli ea meso. (Le a tseba hore seo keng, ha ke re? Kreste ke "Naleli ea Meso." Ho lokile.)

Ea nang le tsebe, a utloe seo Moea o se bolellang likereke.

¹⁴⁷ Oh, banna! Na ha le a thaba! Nako e batla e tlotse. Ke ts'oere tse ling hape, ke tla li thonaka mohlomong hosane bosiu, mabapi le lilemo tse likete tse peli tsena mono.

Empa ke Mohalalitoe oa Phula,
Naleli ea Meso e phatsimang,
Ke thatohatse ea ba likete tse leshome moeeng
oa ka;
Mohalalitoe oa Phula, ka ho Eena feela ke
bona,
Sohle seo ke se hlokang... o mphelisa ka
botlalo.

Ke motšelisi mahlomoleng a ka, Ke tšiea
 mathateng a ka,
 O re ke behe pelaelo eohle ho Eena. Alleluia!
 Ke Mohalalitoe oa Phula, Naleli e Phatsimang
 ea Meso,
 Ke thatohatse ea ba likete tse leshome moeeng
 oa ka.

¹⁴⁸ Le a Mo rata na? Oh, ke mpa feela:

Ke a Mo rata, ke... (Joale ha re Mo rapeleng
 joale, Mantsoe ao ohle a hlabang le Molaetsa.)
 Hoba A nthatile pele
 Le ho lefella poloko ea ka
 Fateng sa Kalvari.

¹⁴⁹ Na ha A babatsehe! Ke a Mo rata. Joale, lintho tseo ke sa
 li finyellang, li tla kenngoa libukeng, ehlile, hoba re sitoa ho
 hlahisa mongoaha ohle oa kereke ka bosiu bo le bong. Ke batlile
 ke e khutisa bosius bona, kaha ke batla ke chele lentsoe. Empa,
 oh, na ha A babatsehe! Oh! Hmm!

Batho ba teng hohle feela,
 Bao pelo tsa bona li tukang ruri,
 Ka mollo o tšolohileng Pentekosta,
 O ba hloekisitseng oa ba hlatsoa;
 Oh, le tuka joale pelong ea ka,
 Oh, ho bokoe Lebitso la Hae!
 Ha se le thabo hore ke e mong oa bona.
 Oh, e mong oa bona, ke e mong oa bona,
 Ha se le thabo ho re ke e mong oa bona, Alleluia!
 E mong oa bona, e mong oa bona,
 Ha se le thabo ho re ke e mong oa bona. (Na le
 thabile?)

¹⁵⁰ Ke hopola bosiu ba mohla ke tsoang Chattanooga; 'me
 sefofane se tsetetsoe mane—mane—mane Tennessee, tlase mono
 Memphis. Keha mpehile holimo hoteleng e kholo, e ntle mono.
 'Me ka letsetsoa, ha thoe, "Sefofane se tla tsoa ka—ka hora ea
 bosupa, hoseng ho hlahlamang."

¹⁵¹ Ke ne ke theoha ke nkile poso ho e kenya lebokoseng; eona
 e tsoa lapeng, ke boela ke arabela metsoalle e 'maloa. Ha ke
 theoha, Moea o Halalelang oa re, "Qhoba u tsoelepele." Ka 'na
 ka tsoelapele, ka ba ka kena lebatooeng la mammala.

¹⁵² Eaba ke eme tlase mono, ka nahana, "Khele! Sheba mona,
 nako ea sefofane seo ho tsamaea e fihlile."

¹⁵³ Moea o Halalelang o sa phetse ho re, "Qhoba u tsoelepele."
 Joalokaha A entse merung letsatsi le leng tlase mane, le a tseba.
 "Qhoba u tsoelepele." Eaba ke qhoba ke tsoelapele.

¹⁵⁴ Ka tsoa tsoa ke shebile tlase mane, kahara motlotloana o
 mong oa batho bao mammala ba phelang, ka bofutsana, tlase

mane. *Mangoane Jemima* oa khale, oa mofuta oo, a ikhahlile ka hempe ea bashanyana hloohong, a itsetlehile holima e . . . joalo.

¹⁵⁵ Ka itsamaela mono ke ntse ke bina:

Ke . . . e mong oa bona, ke e mong oa bona,
Hase le thabo ho re ke e mong oa bona,
 Oh, Alleluia! ("Me U batla ha ke etsang,
 Morena?")
E mong oa bona, ke e mong oa bona, (Na le
 lumela tataiso ea Moea? E, ehlile.)
Ha se le thabo hore ke e mong oa bona.

¹⁵⁶ Joale ho batla ho fetile lilemo tse leshome-nne. Eaba o shebile ka nqane ho fense. Ke batla ke le, oh, bohole ba halofo ea boloko ba motse ho tloha ho eena, eaba ke bona motsofe enoa oa bammala a nchebile hantle, le a tseba. Be, ka tsoelapele feela, ka khaotsa ho bina, ka qala ka theosa. Ka fihla haufi le eena, likeleli tse kholo li theoha marameng a nonneng ao a maholo; a ncheba, ho re, "Malume hoseng hona, Parson!"

¹⁵⁷ Ka retoloha, ka re, "U phela joang, Mangoane?" "Me a re . . . Ka retoloha, o ne a tseha, pososelo e batsi e ralletse sefahleho sa hae. Ka re, "Ua tseba joang hobane ke moruti?" Tlase Boroa, le a tseba, *moreri* ke "parson." Ho re . . . Ka re, "U tsebile joang hobane ke parson?"

A re, "Ke tsebile hobane u tla fihla!"

'Me ka re, "Ua tseba taba eo joang? Ana u a ntseba?"

A re, "Che, monghali." "Me a re, "Ke tsebile ho re u tla fihla." Ho re, "Na u utloile pale ea mosali oa Moshuneme?"

Ka re, "E, monghali."

¹⁵⁸ 'Me a re, "Be," a re, "Ke mosali oa mofuta oo." A re, "Eaba Morena o mphile lesea, 'me ka 'molella . . . ka Mo bolella ho re ke tla mo holisa." Ho re, "Ke mosali oa mofutsana. Ke a hlatsoa ke sebeletsa batho ba basoeu ho iphelisa." A re, "'Me A mpolella hobane O—O tla mpha lesea, 'me ka re ho Eena ke tla mo holisa." Ho re, "Ke tla mo holisa ka bokhabane kamoo ke tsebang, empa" ho re, "Parson, a itsoaka le mokhupi o phoso. O tšoerœ ke boloetse, re ne re sa tsebe letho ka bona." Ho re, "Bo se bo hatetse pele. 'Me o a shoa, kahare ka mono liphateng." Ho re, "Esale a ilibane joale, matsatsi a mabeli." Ho re, "Monna oa ngaka o kene a re, 'Bo se bo jele pelo ea hae le lintho tse joalo, bo kene molapong oa mali, hampe hakaale ebile bo mo lemalitse; ebile linyee tseo ba mo fang tsona li ke tsa mo thusa joale.'" Le ho re, "O a shoa." Le ho re, "Ha ke khone ho mamella ho 'mona a shoa, e le moetsalibe." Le ho re, "Ke rapetse 'me ka rapela," ho re, "ke rapetse bosiu bohle." Ho re, "O ilibane, ha a tsebe letho." Ho re, "E se le e matsatsi a mabeli a sa khone."

¹⁵⁹ Ho re, "Ke rapetse, ka re, 'Morena, U mphile lesea leo,' le ho re, 'joalokaha U etselitse mosali oa Moshuneme.' Ho re, 'Elia

oa Hau o kae? Ke hokae . . . ?” Ho re, ‘Be, e kae—e kae ntho e ka nthusang?’”

¹⁶⁰ Le ho re, “Eaba ke khaleha mangoleng a ka.” ’Me a re, “Morena a bua le ’na, torong ea ka,” a re, ““Tsoa u eme khorong. ’Me monna o tla tla a theoha ka seterata, a roetse katiba e soothoana, a apere sutu e lefifi.’ A re, ‘O tla buisana le uena.’”

¹⁶¹ ’Me a re, “Esale ke eme mona pele letsatsi le chaba.” Mokokotlo oa hae o se o kolobisitsoe ke phoka. ’Me a re, “Eaba ke u bona u kena u roetse katiba e sootho eo,” a re, “empa u tlameha u be u jere potlolomente e nyenyane.”

¹⁶² Ka re, “Ke e siile hoteleng.” Le a bona? ’Me ka re, “Moshanyana oa hau o a kula na?”

Ho re, “O a shoa.”

Ka re, “Lebitso la ka ke Branham.” Ka re, “Na u a ntseba?”

A re, “Che, monghali, Parson Branham, ha ke—ke eso utloele ka uena.”

Ka re, “Ke rapella bakuli.” O ne a sa thahaselle seo. A sa batle moshanyana oa hae a shoa, e le moetsalibe.

¹⁶³ Ka kena kahare; heke ea bona mono e hoketsoe ntlha ea mohoma oa khale ho e tjekleletsa morao (lona batho ba Leboea le ka tšoha le sa e tsebe), empa, ho boloka heke e koetsoe. ’Me ka kena tlung, nthoana, motinyane, oa khale, oa likamore tse peli (ho kang seloana . . . seo re se bitsang “ntlu-sethunya”) ntho e kang eo, e eme mono; phaposi ke ena, ’me phaposi ea baeti ke eane, phaposi ea ho robala, tsohle ’moho; le kokosoi motše mane. Eitseha ke kena . . . E ne e le tuloana e takiloeng bosoeu, e ntle, e thaleuoue maphakong, le ka litlipiboto. Ka hona joale . . . Che, kea kholoa o ne a behile pampiri ea tiri holima marulelo, ke sa hopola ke bona lipululana tse kholo tseo, tse tšoanang le phoka, li leketlile holima eona.

¹⁶⁴ Eaba ke kena kahare, monyako ho leketlile letšoao, ho thoe, “Molimo Hlohonolofatsa Lelapa La Rona.” Bethe ea khale e emisitsoe mona koung hantle, le e ’ngoe ka mona. Mono ho robetse mothahali oa motonana (fatše ho sa aloa ’mete), sephanka sa moshanyana, khabane ea mothakahali e eme mono. Ke a kholoa a batla a le . . . a le boima ba lipondo tse lekholo le mashome a supileng kapa dipondo tse mashome a robeli, a batla a le bolelele ba maoto a tšeletseng. A fuparetse kobo ka letsohong, a ntse a re, “Uhm. Uhm.”

¹⁶⁵ ’Me a re, “Lesea la Mama.”

¹⁶⁶ ’Me ka nahana, ““Lesea la Mama.”” Leha koana a—a tšoere ke lefu la batho, saefilise. ’Me o ne a—o ne a eshoa.

¹⁶⁷ Eaba o mo aka phatleng, a mo phathatsa joalo, ho re, “Lesea la Mama.”

¹⁶⁸ Khele, pelo ea ka ea tlallana. Ka nahana, “E, ho sa tsotellehe u tebile hakae sebeng, u sa le lesea la hae.” Eaba ke a nahana, “Le a bona, ho sa tsotellehe bobe boo a oetseng ho bona, e sa le ‘Lesea la Mama.’” ’Me ka nahana, “Molimo o itse, ‘Leha ’mè a ka lebala lesea la hae le anyang; haele ’Na nke ke ka u lebala, hoba lebitso la hau le betluoe liatleng tsa letsoho la Ka.” Le a bona? Ho ka ba joalo joang!

¹⁶⁹ Ka sheba mohalaleli eo oa khale oa mofutsana ea tsamaeang mono. U ka bolela, moena, o ne a se na letho ka tlung; empa ka tlung ea hae a ruile seo ntlu e ’ngoe le e ’ngoe Indiana e tlamehang ho se rua; sona ke Molimo. Nka mpa ka rua sona ho e na le ntluhali e ntlehali e qhoaetsoeng banana ba tsotseng, le nyee ena eohle e manyala, e nyonyehang. Bibele ea khale e robetse moo E phetliloeng teng, mahlaku a Eona a shoabane.

¹⁷⁰ Ka mo sheba. ’Me a re, “Parson o tlie ho u rapella, ratu.”

¹⁷¹ A re, “Uhm. Uhm. Lefifi. Uhm.”

¹⁷² ’Me ka re, “U ntse a reng?”

A re, “Ha a tsebe. Monna-ngaka o re, ‘O lahlehetsoe ke kelello.’” Ho re, “O hopola a le kantle koana leoatleng le sephara, a ntse a soka mokoroana, ’me o lahlehile.” Le ho re, “Ke sona seo ke sa khoneng ho se mamella, Parson: ho tseba lesea la ka le eshoa, le timetse.” ’Me o itse, “Ke a tseba u til’o nthusa, hoba Morena o mpoleletse joalo.”

Ka re, “Ke tla mo rapella,” ’me ka re, “e k ba Morena o tla mo folisa.”

¹⁷³ Keha a sa thahaselle hoo, a mpa a batlile ho mo holisa ho re o ne a ‘pholositsoe.’ Ke phetho, ha feels a pholositsoe. Ho sa tsotellehe, o ntse a tlameha ho ikela, le hona, nako e n’ngoe; ha feels a mpa a bolokehile! Oh, holane ra nka boitšoaro boo feels! Lehae leo la Bosafeleng koana, o tsebile hoba o tla phela le eena mohlang oo.

Ho re, “Ha nka mo utloa feels a re o ne a ‘pholositsoe.’”

Ka re, “Ha re inamele fatše.” ’Me a khumama fatše. ’Me ka mo tšoara ka maoto feels, ’me maoto a hae a hlile a bata a qamachela. ’Me ha ke a khona ho a koahela ka lesela, a mo apesitse ka kojoana—kojoana e tšhesane mono; a apere diteranka tsa hae feels, le a tseba.

¹⁷⁴ ’Me ka hona a . . . ’Me a ntse a e hulela morao joalo, a re ekaba o kahara sona. A e tlapurela, a hopola a ntse a soka masokoana. A ntse a re, “Ho lefifi haholo. Uhm. Uhm. Ho lefifi haholo.” Eaba o leka ho bua le eena; a ntse a re, “Ho lefifi ’me ho a bata,” ho hula feels.

¹⁷⁵ Eaba ke—ke mo sheba nakoana, ’me a khumama tlase mane, ’me ka re, “Mangoane, na u ka re etellapele ka thapelo?”

A re, “E, monghali.”

¹⁷⁶ Eena feela, le 'na, le moshanyana, le Moea o Halalelang ka phaposing, ke phetho. Mohalaleli eo oa khale a rapela. Khele! Eitseha a bua le Eena, u tsebile hoba u qoqile le Eena pele. E, monghali! A tseba hoba o bua le mang. A re, "Morena, ha ke tsebe seo U tlang ho se etsa," a re, "empa litaba tsohle li eme ho latela polelo ea Hau."

¹⁷⁷ Oh, banna! Oh! Hase le thabo, hase le thabo ha E le Jesu eo morao mane ea phetseng le bahalaleli motšeо mane. Esale Jesu eo kajeno.

¹⁷⁸ 'Me ha ke a 'motsa ka borapeli ba hae, haeba e le Mobaptise, Mopentekosta, kapa eng. E ne e se lebakala ka leo. Ke ne—ke ne ke setse Moea o Halalelang morao, 'me o ne a etsa eona ntho eo. Re ne re batile ho bona seo A neng a tla se etsa.

¹⁷⁹ Eaba re khumama fatše, a qala a rapela. Hoba a qete ho rapela, a phahama a mo aka hloohong, ho re, "Molimo, hlohonolofatsa lesea la ka."

¹⁸⁰ 'Me a re, "Joale na u ka rapela, Parson?"

¹⁸¹ 'Me ka re, "E, mofumahali." 'Me nakong eo batla e le halofo ka mora hora ea robeli, ekaba kotara pele ho robong, 'me ke le... limaele tse peli ho tloha tulong eo, 'me—'me sefofane se tla tloha ka hora ea supa; ke sa tseba hoba ke tla tsoa nako mang.

¹⁸² Eaba ke bea matsoho holima maoto a hae, ka re, "Ntate ea Leholimong, ha ke utloisise sena. 'Me Uena...Ke—ke ne ke tšoanetse ho tšoara sefofane nakoana e fetileng, nakong e batlileng e etsa hora le halofo e fetileng. U itse ke 'ne ke, 'Qhobe,' 'me ena ke eona feela ntho eo ke e fumaneng le hona. 'Me o itse U...o mpone ke etla. Haeba seo—haeba e ne e le Uena, Morena, ha ke tsebe seo nka se etsang haese ho bea moshanyana matsoho."

¹⁸³ A re, "Oh, mama," ho re, "ho a ela ka mona joale." 'Me metotsong e ka bang mehlano ho tloha moo, keha a lutse pela bethe, a hamaretse 'mè oa hae ka liphaka.

¹⁸⁴ Ka nanya ka tsoa, ho titimela tlase mono ho palama tekisi, ho potlakela hoteleng ho phamola sutik'heisi ea ka. 'Me ka hopola ho ea koo ho ema nakoana le ho leta, mohlomong letsatsi kapa a mabeli mehleng eo. Le tseba bothata ba ho fumana sefofane kamora ntoa, ka nahana, "Ke tla tšoanela ho lebalisa matsatsi a 'malaoa."

¹⁸⁵ Eaba ke kena tekising ka mathela kantle mane, boemaofane. Eitse feela ha ke fihla mono, ba re, "Sefofane Nomoro 196 se eang Louisville, Kentucky, joale se a tloha." Molimo oa tsetela sefofane sebakeng sa ka, joalo. Oh, ke a e lumela!

¹⁸⁶ Lilemo tse peli ho tloha mohlang oo, ha ke theoha ho palama terene, ho ea koana Arizona, ho Moena Sharrit, mono kopanong. 'Me ke tla nkana le Moena Moore le bao. Eitseha ke ea koo, ka khefutsa mono Memphis. 'Me terene ea kena, haeba lona bohle

le tseba kamoo e kenang ha e habile bophirimela tjena, e ntano checha e khutla 'me e haka e ntano tima.

¹⁸⁷ 'Me disemenchisi tseo tsa terene, ba li lefisa lisente tse mashome a tšeletseng e le 'ngoe. 'Me nka li reka ka lisente tse leshome, tse leshome le metso e mehlano, le a tseba, kantle nqa e 'ngoe. 'Me ka emela terene ho emisa feela, ho itholla disemenchisi tse 'maloa. Ke tla itholla e ha- . . . mokotla o tletseng dihambega, le ho itaha ruri monyakeng leetong ho ea koo. Ka qhomela kantle 'me ka matha ke pholletsa mono ka potlako, ho itholla hambega setende; ke ntse ke qamaka, e tla khefutsa mono metsotso e batla e le mashome a mararo.

¹⁸⁸ 'Me ka hona ka—ka qalella ho itholla dihambega tse itseng, eaba ke utloa motho a re, "Lumela, mono, Parson!" 'Me ka qamaka, ka kuoana e khubetsoana, aeme mono a tabanya mahlo, le a tseba, ho re, "Ana ha u ntsebe, ha ke re?"

"Ha ke kholoe joalo, mora."

Ho atamela, ho re, "Nchebe hantle!"

'Me ka re, "Yaa?" Ka re, "Ha ke kholoe ke u tseba."

A re, "Na ke a u tseba!" Ho re, "U Parson Branham!"

'Me ka re, "Yaa, ke hantle." Ka re, "U kile oa etela e 'ngoe ea likopano tsa ka?"

Ho re, "Che, monghali!" Ho re, "U sa hopola mohla u fihlang tlase lapeng hoseng 'me mammi oa ka a r- . . . ?"

"Oh!" Ka re, "Ha u eena!"

Ho re, "E, ke eena! E, ke eena!" A re, "Parson," ho re, "ke folile, ke phetse, ke bile ke koenne. 'Me hase ho fela, empa joale ke Mokreste!"

¹⁸⁹ Ho bokoe Morena! Oh!

Ba ne ba bokane phaposing e kaholimo,
Bohle ba rapela Lebitsong la Hae,
Ba kolobetsoa ka Moea o Halalelang,
Eaba ho fihla matla a tšebetso;
Joale see A ba etselitseng sona mohlang oo
O tla u etsetsa le uena, (Ha u a thaba na?)
Ha se le thabo hore ke e mong oa bona.

E mong oa bona, e mong oa bona,
Ha se le thabo hore ke e mong oa bona, Alleluia!
E mong oa bona, ke e mong oa bona,
Ha se le thabo hore ke e mong oa bona.

Ha ba rua lithuto tsa litonana le lintho:

Leha batho bana ba sa ruteha joalo,
 Kapa ho ithorisa ka botumo ba lefatše,
 Bohle ba amohetse Pentekosta ea bona,
 Ba kolobelitsoe Lebitsong la Jesu;
 Joale ba bolella, ea haufi le ea hole,
 Matla a Hae a sa ntse a ts'oana,
 Ha se le thabo hore ke e mong oa bona.

E mong oa bona, ke e mong oa bona,
 Ha se le thabo hore ke e mong oa bona, Alleluia!
 E mong oa bona, e mong oa bona,
 Ha se le thabo hore ke e mong oa bona.

Tloo, moena oa ka, batla lehlohonolo lena
 Le tla hlatsoa pelō ea hao sebeng,
 Le tla ketemisa mangene-ngene a thabo
 Le tla tukisa pelo ea hau lelakabe;
 Oh, joale le tuka pelong ea me,
 Oh, ho bokoe Lebitso la Hae,
 Ha se le thabo ha ke . . .

Joale tsukutlana ka matsoho le motho ea ka pel'a hau, ka morao, le ka mathoko:

Oh, e mong oa bona, e mong oa bona,
 Ha se le thabo hore ke e mong oa bona, Alleluia!
 E mong oa bona, e mong oa bona,
 Ha se le thabo hore ke e mong oa bona.

E mong oa bona, e mong oa bona,
 Ha se le thabo . . . ? . .
 . . . e mong oa bona,
 Ha se le thabo hore ke e mong oa bona.

Ke e mong oa bona, e mong oa bona,
 Ha se le thabo hore ke e mong oa bona, Alleluia!
 E mong oa bona, e mong oa bona,
 Ha se le thabo hore ke e mong oa bona.

¹⁹⁰ Ebe tumelo ena ea mehla-ea-khale keng? E qalile morao *mona*, 'me e qhitsa e theohela tlase ka Mali a Jesu Kreste. Oh, banna! Oh, ke thabetse Evangeli hakakang! Oh! Oh, e, monghali!

E fopha mali, e, e fopha mali,
 Evangeli ena ea Moea o Halalelang e fopha mali,
 Mali a barutuoa (bashoelatumelo, ho theohela tlase), ba shoetseng 'Nete,
 Evangeli ena ea Moea o Halalelang e fopha mali.

Joale, ebe Ke Evangeli ea mofuta mang? Joalokaha E qalile Pentekosta, le a bona.

Oa pele ho shoela leano lena la Moea o Halalelang,
 Ebile Johanne Mokolobetsi (Le a bona, o amohetse, popelong ea m'ae, le a tseba.)... a shoa joaloka monna;
 Ho tle Morena Jesu, ba Mo thakhisa, A re Moea o tla pholosa batho sebeng.
 Ea lula e fopha mali, e, fopha mali, Evangelici ena ea Moea o Halalelang e fopha mali,
 Mali a barutuo ba shoetseng 'Nete, Evangelici ena ea Moea o Halalelang e fopha mali.

Le be le ka sitoa ho E hlophisa! Huh-uh!

Ho na le Petrose le Paulose, le Johanne ea khetheleng,
 Ba tela maphelo a bona Evangelici ena e tle phatsime;
 Ba tsoaka mali a bona, le baporofeta ba khale, Ho tl'o boleloe ka bots'epehi Ntsoe la 'nete la Molimo.

Ea 'na ea fopha mali, e, ea fopha mali, Evangelici ena ea Moea o Halalelang e fopha mali,
 Mali a barutuo ba shoetseng 'Nete, Evangelici ena ea Moea o Halalelang ea lula e fopha mali.

Meea e tlas'a aletare, e a hoeletsa, "Ho tla ea hakae?"

Morena o tla ahcola neng ba entseng bokhopo; Empa ba bang ba sa tla nehela mali a bophelo ba bona

Bakeng sa Evangelici ena ea Moea o Halalelang le mophula wa eona o mofubelu.

E lula e fopha mali, e, e fopha mali, Evangelici ena ea Moea o Halalelang e fopha mali,

Mali a barutuo ba shoetseng 'Nete, Evangelici ena ea Moea o Halalelang e fopha mali.

¹⁹¹ Joale, ho tloha mohla Pentekosta, le bashoelatumelo ba Pentekosta, ho theoha kahara kereke ea Efese, tlase kahara Pergame, ho theoha ho kena Thiatire, koana ho kena—kena Sarda, kahara oa Efese... kapa oa Filadelfia, le ho theohela kahara oa Laodisea. 'Me joale seo re... ho etsahetseng tlase mona? Joalokaha Bibebe e boletse, sohle se kene, 'me sebata sena se tla hlaha United States.

¹⁹² Le sa hopola pono e baliloeng mona, 1933? Ke ne ke ea . . . Le kereke eso hahuoe. Ke sa tsebe le seo pono e neng e le sona, ka e bitsa “ho hatjoa.” Ke le moreri e mocha feela oa Mobaptise, ’me re le . . .

¹⁹³ Ke bone lipono bophelo bohle ba ka, ’me nka kopa mang ho ema le ho bolela haeba efe ea tsona e kile ea hlolleha. Che, ha eso hlollehe! E ke ke! Le a bona? E ke ke ea khona!

¹⁹⁴ Me joale, ’me eitseha ke qala sekolo sa Sontaha ka haptjoa. Re ne re e ts’oaretse ka mona lehaeng la khale la Masonic, sets’eng sa Charlie Kern, sehlots’ana sa rona. Eaba ke bona Presidente Roosevelt a isa lefats’e ntoeng ea lefats’e. Ho lepa! Ka re, “Ho na le mekha e meraro: Bonasi, le Bofasime, le Bokomonisi.” Ka re . . . (Ba bakae ka mona ba hopolang?) Ka re, “Le tsepamise mahlo ho Bokomonisi, ntho eohle e tla honyella mono.” Ka re, “Ethiopia, Mussolini o tla ea Ethiopia, empa o tla hlolleha.” ’Me ka re, “Qetellong re tla kena ntoeng le Jeremane, empa” Ka re “Jeremane e tla be e tinkelitsoe, ka konkreiti e kholo e ngata.” Lilemo tse leshome le motso pele Lerako la Maginot le hahoa, lilemo tse leshome le motso o le mong.

¹⁹⁵ Ka re, “Etlare ka morao ho ntoa . . . Qetellong re tla e hlola. ’Me hoba ntoa e fete, mahlale a saense a tla sibolla lintho tse kholo.” ’Me ka re, “Etlareha ba etsa, ba tla tea koloi, ’me makoloi a tla ipha ts’obotsi a boborane.” (Le tseba tšobotsi ea ona ka ’33.) Joale ka hona, ho re, “A tla ipha ts’obotsi ea mahe, ho ts’oana le mahe. Hoba ke bone holima ’milakholo, e le ’milakholo oa bonono, koloi e theohang tsela e se na seterevili. E ne e laoloa ka matla.” Hona joale ba e ts’oere.

¹⁹⁶ Ka re, “Mehleng eo . . . Joale ba lumella basali ho vouta; ’me basali, ka ho vouta, qetellong ba tla . . .” Ka re, “Sechaba sena ke sechaba sa mosali, se ts’oailoe ka mosali. Ke mosali ho theoha hantle ka seporofeto, hohle; le palo ea leshome le metso e meraro hohle ka boporofeta.” ’Me ka re, “Ke na ha ea mosali, mona o filoe litokoloho tsa hae. ’Me o tla se senya, ke eena ts’enyeho ea lefats’e.”

¹⁹⁷ (’Me, Roy, ke ts’oere mangolo a hau ka taba eo, mosali e moholo eo ea . . . “Nyeoe e ’ngoe le e ’ngoe . . . Re se re . . . Nka e katlatsa ekeserei ho theohela ho: nyeoe e ’ngoe le e ’ngoe ea bonokoane e hlabileng United States, e ne e ts’ehelitsoe ke mosali.”) Ke hantle haholo. Bao ke basali ba mekhao e hlephileng, le a bona, le lintho.)

¹⁹⁸ Joale, ka hona ka re, “Ho tla fihla nakong eo, mehleng eo basali ba tla lumelloa ho vouta, ba tla khetha motho ea phoso.” Ba e entse khethong ena e fetileng. Ke hantle. “Ntho e tlang ho thea qhobosheane. Mehleng eo ho tla—tla hlaha mosali e moholo United States, o tla be a apere hantle,” ’me kahara masakana ke kentse: “(e ka ba kereke ea Katolike).” Le a bona? “Ea tlang ho nka matla holima borena, ho phethola ba bang United States. O

ta be a le motle ho talingoa, feela a le pelo-e-khopo ka bokhoni ba hae.”

¹⁹⁹ Ka re, “Eaba ke boela ke sheba, ’me ka bona United States e phatlotsoe likotoana feela. Ha ho sala letho la eona.”

²⁰⁰ ’Me mohlang oo ka lepa. “Joale sena, e ne e le HO RIALO MORENA.”

²⁰¹ ’Me nahanan! Tse hlano hara bolepi ba tse supileng, li se li lhalile.

²⁰² Kereke e tla fupara, kereke ea Katolike. Le ho fihla ha nako ea qetelo.

²⁰³ ’Me ka re, “Ke bone, ho kang likoqo tse tukang; majoe, a phatlotsoe; ’me United States eohle e shebeha e hlobotse, e rapeletse joalo, bohole ba pono ea ka ho tloha moo ke emeng.”

²⁰⁴ ’Me ka re, “Ke a lepa, ho latela kamoo nako e tsamaeang, e tla ba kae lipakeng tsa selemo sena ’33 le ’77.” ’Me e tla lokela ho peselesa ka thata haholo ho haola le mono.

²⁰⁵ ’Me re lutse holima khaketlana ea phofo, metsoalle. Ntho eohle e malala-a-laotsoe.

²⁰⁶ Oh, empa Ntata rona ea Maholimong Ea thekothata ea tsepisitseng, Ea tsepisitseng! Na ha ho babatsehe ho ba mohlanka oa Kreste? Lintho tsohle tseo A li tsepisitseng! ’Me ho nahana; re fuoe monyetla. O phela hantle mona. O na le rona hantle joale, ho tseba lekunutu lefe la pelo ka ’ngoe, ho tseba sohle ka uena; malakabe ao a mollo a haola lipelong tsa rona, ho tseba sohle ka rona, ho re rata.

²⁰⁷ Ha le a thabela ho kena kahara sehlot’soana seo sa paloana, bosiung bona, e leng se bolokang Tumelo? Hoba e ne e le molao oa Oona, “Se ts’abe, mohlatsoana, ke thato ea Ntata Lona e molemo ho le nea ’Muso. Ekare ha mosebetsi ona o sa khutsufatsoe, ha ho nama e ka bolokehang.” Le a bona, re nakong ea qetelo hantle.

²⁰⁸ Mapentekosta a ntse a hatsela, fofo, a hlatsoa molomong oa Molimo.

²⁰⁹ Mona ho nts’oa sehlot’soana feela, ba ’maloa feela, empa mehleng eo ho tla fihla: “Bonang, Monyali o a tla!” Ha e etsahala, e ’ngoe le e ’ngoe ea litebelo tsena, tebelo ka ’ngoe ea litebelo tsena, ho . . . Le hopole, litebelo tseo li supile. ’Me re tebelong *ena* ea ho qetela hantle. Empa e mong le e mong oa baroetsana bao hare *mona* o ile a tsoha. Amen! Oh, e ne e le eng? Ona Moea o Halalelang o tsoanang.

²¹⁰ Etlare hoba kereke eo e kene . . . Joalokaha re buile Sontaha bosiu, Joesefa o itsebisa ho Iseraele, banababo, o ile a tlosa monyaluo oa hae, ntho eohle, ’me a ba khutlisetsa kahara paleisi. ’Me a sala le Bajuda ba inotši, a re, “Ke ’na Josefa, moena oa lona.”

²¹¹ Ho e bea hantle kahara Lengolo moo ba itseng ba tla khetha letsatsi la bofifi, ntlu e 'ngoe le e 'ngoe e tla lla kathoko.

²¹² Ba re, "Maqeba ao U a nkile kae?"

Ho re, "Matsohong a . . ."

"A matsohong a Hau?"

Ho re, "Ka tlung ea metsoalle ea Ka."

²¹³ "Bao ba Mo hlabileng ba tla Mo talima." 'Me ke eo O eme mono, eena Josefa.

²¹⁴ O itse, "Le se ke . . ." Joalokaha Josefa a itse, "Le se ke la itlhonamela, hoba Molimo o e entse ho pholosa bophelo." Eng? Bophelo ba Kereke, Molichaba, "Bakeng sa Lebitso la Hae, batho ba tsoang hara Balichaba."

²¹⁵ Oh, re qetellong, baena ba ka. Re fihlile mona! Ho bokoe Lebitso la Morena! Ha re bineng sefela sena sa khale se monate, re le baena le likhaitseli tsa pentekosta, hammoho. Joale, u re, "Be, 'na ke Mobaptise." Empa haeba u tšoere Lehlohonolo la Pentekosta, u mopentekosta. Uh-hum. Ho lokile. Ho lokile:

Ho bokoe tlamo e tlamang
Lipelō tsa rōna ka lerato la Bokreste;
Kopano ea mehopolo e joalo
E ts'oana le ea holimo.

²¹⁶ Joale mamelang, metsoalle. E mong hara rona mona, haeba kae leetong la bophelo ho theoha joalo, haeba ho kene lengana la bokhopo pelong ea hau, (Nkutloe!) le nts'e mono hona joale. Ts'oara ntho eo, u se ke oa lumella letho . . .

[Khaitseli e mong o bua ka leleme lesele. Sekheo lebanteng. Moena e mong o hlahisa molaetsa—Mohl.]

Amen.

[Moena o bua ka leleme lesele a ntano fetola—Mohl.]

Amen. Amen.

²¹⁷ Morena Jesu, re U leboha ka melaetsa ena. E a re fuluha, Morena ho itseba re sa ka ra tsoafa empa re kile ra boloka tumelo. Oh, ke a rapela, Molimo, Moea ho tsoelepele ho aha kahara kereke. Re boloke e mong haufi le e mong, Ntate. Re boloke 'moho le Uena. Tsamaea hara rona, Morena, mongoaheng ona oa kandelare ea ho qetela eo re phelang ho eona. E ba Leseli la rona. Chabela holima rona, linakong tse kholo tsena tsa lefifi, Morena, hoba re a lemoha hobane *kandelare* le *linaleli* li lekanya "lefifi." 'Me Morena, re thabetse ho ba bana ba Leseli, ho tsamaea Leseling la Molimo. Ha re a tseteloa lefats'eng 'moho le lintho tsena tsa lefats'e, re mpa re le bana ba Hau. Re U leboha hakakang ka lintho tsena.

²¹⁸ Re U leboha ka ho romela melaetsa ena e le ho omela Lentsoe la Hau. Lula U hlomphuoa hara rona kamehla, Ntate. U re sireletse bokhopong bohole ba lefats'e. Re baballe re halalelitsoe,

maphelo a rona a tle a hloeke a hlekehe a halalele ka pel'a Hau. Mali a Jesu Kreste a etsesetse e mong le e mong oa rona sena, Morena. Tlosa hara rona, haeba ntho efe e sa lokang e le teng ho hang. E tlose ho rona, Morena. Ena ke hora le mehla ea ho itlhahlloba.

²¹⁹ Likopano tsena li reretsoe morero oo ho lekola lipelo tsa rona. U boletse malakabe ao a mollo a mahlo a Hau, “a hlahlloba a bile a tseba matheka a pelo.” U hlile u etsa joalo, Ntate. Le ho khutla ho bua le rona hape le ho re bolella ho etsa . . . ho itokisa haele moo hora e fihla.

²²⁰ Oh, re U leboha hakakang ka sena, Ntate. Re tla etsa hoo ka sohle se ahileng ka ho rona ka mohau oa Hau. Amen.

²²¹ Oh, na ha le Mo rate? Joale, moeti ha a ts'oha a le hara rona, ke sona se etsahetseng ts'imolohong. Jesu mehleng mona holima lefats'e, O boletse, e le ha motho a Mo botsa ka taba tsa lenyalo le hlalo kapa ho hong, O itse, “Ts'imolohong ho ne ho se joalo.” Eka khona ho khutleloe ts'imolohong.

²²² Haeba ts'imoloho e ne e le kereke ea Pentekosta 'me eena E le Morara, rona re makala, nako efe ha Morara oo o hlahisa kereke, e tla ba kereke ea Pentekosta, lekala la Pentekosta; eona ntho e neng e le ts'imolohong (Le a bona?), nako le nako. Joale, u ka entela lifate tse ling ho sona 'me se tla bea tholoana ea sona. U ka nka e—e sefate sa lamunu oa se entela lemone, se tla bea lilemone tse phelang ka bophelo ba lamunu. Ho hloma grapefrutu lephakong la sona, se tla bea grapefrutu hobane ke tholoana ea sitrase.

²²³ Ka hona mekhatlo ena, mekha ea bolumeli le lintho, li hlomiloe kantle mane, li ipitsa Bakreste, li ka phela ka bophelo ba Bokreste. Ke hantle haholo, empa ba tla bea litholoana tsa mokha oa bolumeli. Ke hantle. Hobane ba hlomiloe joalo. Empa ekare ha lekala leo bolona le hlahisa e . . . kapa ha Morara oo o ka hlahisa lekala, e tla ba . . . le tla ngola Buka ea Liketso ho le sala morao. Ke hantle haholo. Hobane ke sona se etsahetseng khetlo la pele. Haeba se bea lekala lefe ka bosona le tla hlahisa lilamunu, le leng le le leng. 'Me Bibele e buile; le ne le behile makala a leshome le metso 'meli ho sona.

²²⁴ Oh, ha se le thabo ha ke phela tlasa lekala leo, lona le reng? E, monghali. Oh, ho a babatseha.

²²⁵ Ho lokile, hopolang hosane bosiu joale ke holima mongoaha oa Fila . . . oa Sarda. Eona . . . ? . . . ho fihla ha mokhatlo oa Lutherane, Martin Luther . . . ? . . .



MONGOAHA OA KEREKE EA THIATIRE SST60-1208

(The Thyatirean Church Age)

THERO LETOTO TSHENOLI EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Labone mantsiboya, Tshitwe 8, 1960, mane Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org